


EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

DS
754
.7
S5
1738
V. 88



疎其罪其罪之輕重與其罪之輕重

罪重者六月和五其罪之輕重與其罪之輕重

奏請其罪之輕重與其罪之輕重

同事其罪之輕重與其罪之輕重

國朝其罪之輕重與其罪之輕重

其罪之輕重與其罪之輕重

奏正在其罪之輕重與其罪之輕重

奏其罪之輕重與其罪之輕重

是上特旨命其罪之輕重與其罪之輕重

或上其罪之輕重與其罪之輕重

奏其罪之輕重與其罪之輕重

硃批高其倬奏摺

雍正六年十一月初五日福建總督臣高其倬謹

奏爲奏

聞事竊照福建今歲秋旱福州泉州各屬晚稻乏收臣

因預備來年平糶欲遣員向江南買米五萬石前

已經摺

奏正在委員繕疏間於十月初十日接准部文業已

欽奉具

皇上特旨命浙江截留漕米或二十萬石或十五萬石

或十萬石令浙江督臣李衛酌量料理運濟臣隨

經通行曉示閩省軍民歡呼雷動除臣謹率地方
各官并據各民具呈繕疏恭謝

聖恩另行具

題外所有截留米石

臣

查目下福建米價福汀二府

每石賣一兩四五錢不等比前畧貴一二錢至興

泉漳延建邵六府福寧一州俱賣一兩一二錢一

石米價不昂臺灣晚稻收成有七分以上各府人

情甚是安定

臣

前尚預備歲內之平糶今細看光

景情形歲內不須平糶卽或近年之時省城泉州

少需平糶亦不過畧爲接濟各處現備米穀已足

敷用有餘惟來年正二三四數月之內須用平糶
細算只需浙江截運漕米十萬石卽足敷用臣業
已咨會浙江督臣李衛并會同委員雇船料理運
載其江南買米之處亦無庸舉行惟臺灣之五萬
石尚需補運蓋臺灣比浙江更爲近便而臺灣卽
運此項亦不至費力難辦所有情節臣謹先行繕

摺奏

聞謹

奏

所奏是已有旨矣

雍正六年十一月二十二日福建總督臣高其倬

水師提督臣藍廷珍陸路提督臣石雲倬謹

奏爲戍臺兵丁等事竊據福建福寧鎮臣顏光旡鈔
呈原奏戍臺兵丁情狀敬抒管窺一摺欽奉

硃批朕覽所奏甚屬合宜可與督臣提臣會同商酌如

應具題卽具本題奏欽此欽遵會商到臣又水陸二

提臣亦准咨酌議移會前來臣高其倬會同臣藍

廷珍臣石雲倬往復詳細會商得據鎮臣顏光旡

奏請每營量汰馬兵八名將節省之銀分給戍臺兵

丁爲盤費衣帽之用一節查臺灣共駐防馬步戰

守兵九千四百九十名皆從內地標營抽撥是內地之兵已缺九千四百九十名之用迨至年限將滿坐臺之兵未回而出戍之兵必須先期遣往換替每當換替之時卽有數月之久內地所有一萬八千九百八十名之兵不在營內以是內地稍覺兵單而閩省各營山海交錯所設兵制馬一步九馬兵原爲數無多若每營再汰去八名通省計之數至數百各鎮協營地方營汛有衝僻之殊萬難一例他鎮協營有不能再行減馬之處若或減或不減又不均齊畫一彼此難以岐視且戍臺兵丁

原係案三年輪流換班其戰守均攤糧餉循行已久俱各相安若於戍臺者加賞將來或有調遣之處援此爲例必至難行臣等按全省情形從長計議戍臺之兵應仍照舊給餉但其有家口留餉之處將五錢應改爲四錢則戍兵稍裕而家口亦可贍給所有顏光昨請量汰馬兵節省錢糧分給戍臺兵丁之處應毋庸議又會商得據鎮臣顏光昨奏稱每兵原俱留餉銀五錢贍家請將所留之銀存於公處以爲該丁回日娶妻之用一節查駐防臺灣之兵俱係由內地各標營選有父母妻子者撥

往惟是營兵在伍無妻子之人居半是以亦有將
有父母兄弟而無妻子者亦行撥往其戍兵之餉
銀俱在臺灣散給前據衆兵公懇以家口在內地
重洋遠隔寄銀艱難請每兵每月餉銀量留五錢
以贍家口當經批司議覆并臣等會商相同准行
在案今顏光旂慮及戍臺無妻之兵間有逃匿議
將每兵每月所留五錢之餉如係有室家者給贍
家口如係無妻室者將每月五錢之餉交與本管
將備留存公處俟本兵三年戍滿回營給領以爲
完娶之用等語此與無妻之兵調劑有益應如該

總兵所請嗣後將改定存留養贍四錢之銀其出
戍之兵如有父母在堂又別無兄弟侍養者將銀
仍給伊父母爲養贍如有己身雖出戍而有兄弟
奉事或雖無兄弟而父母另有薄產足供養贍可
以不須此項銀兩者令各營詳細查明詳報將所
留四錢之銀按月扣存著落該管將備千把公同
收貯按季造冊報查俟該兵回時選委同營誠實
之兵公同料理爲之營娶臣等不敢擅便謹繕摺
回

奏請

旨遵行臣等再查原奉其部收育不料甘受重黷恐上
硃批如應具題卽具本題奏今因馬兵既不議裁則額
設兵馬數目以及每年支餉冊籍俱係循舊無須
皇上具題數來之米齊驟下此一疏不無新數亦業已
題合併內亭無需驟計景哨各款來年又亦
聖奏明伏祈聖數萬百救愈育退卦人書愈安米賈竟
睿鑒謹以各款米賈身收情另書安案又恭摺形事
奏明今十一月以來詠興泉貢茲數倍於前入款又
目前且照議行候命廷臣議覆朕再加詳酌另有諭旨

福建總督臣高其倬謹

奏爲奏

聞事竊照福建收成及米價情形臣前已具摺

奏明今十一月以來福興泉漳延建邵汀八府及福

寧州各處米價俱如前民情安定又恭聞

聖恩特沛截漕運濟百姓愈有所恃人情愈安米價竟

平年內毫無需糶情景卽各府來年又有

皇上恩賜運來之米濟糶汀州一府不通海運亦業已

預備米穀足備來歲平糶臣看閩省雖冬收稍歉

目今情形不但今歲卽至來歲俱必定處處安靜

臣愚昧所知所見甚確如有不符甘受重譴恐上

厘

睿懷臣謹將情形繕摺奏

聞謹

奏

深慰朕懷

同日又

奏爲密陳臺灣文員歷俸太久轉生懈怠情事竊

查臺灣各文員向以三年爲滿後經原任總督滿

保具

題請三年任滿之員再行加銜留任三年原意慎重

臺疆欲久留熟諳之員辦理但臣三年以來細察
臺灣各員情形正任前後報滿旣已歷任六年而
調任之時渡海而往卽須數月任滿候有缺挨陞
又或一年二年旣陞之後交盤渡海又得半年總
計其前後日期大約俱得九年十年方能陞用又
臺員例不帶家口其父母妻子相隔重洋託之親
友未免繫戀意念分馳其辦理之處不免有始勤
終惰之情景雖人臣之誼公爾忘私何可萌內顧
之念但中人之情往往不免臣旣見有如此情形
不敢不預思籌度密行奏

聞以臣愚昧之見凡臺灣道府廳縣各員嗣後請俱以
四年爲滿加其交盤往返之期約計五年有餘俾
得陞調庶爲期適中可收各員奮勵之效臣未敢
擅卽具干里之數嫌士口之受其變日不猶聞

題謹先繕摺請

旨謹

奏請與泉章四和詠寧一州共育新關口所三十二
所奏是已交該部議行

同日又

奏爲奏

殊批諭旨

四

七

高其倬

聞事竊查福建海關巡查之事不比他處之關但止稽
查貨稅凡往來外國及臺灣船隻并外國來閩船
隻出口入口皆係海關稽查實以兼防姦宄臣查
福興泉漳四府福寧一州共有海關口汛三十二
處迤邐周轉不下二千餘里自巡撫辦理以來雖
專委管關之官一員辦理但以一人之心力耳目
查照二千里之遠數十口之多其勢已不能周遍
又加以洋客船水之隱蔽書辦巡攔之姦詭遂致
百弊叢生雖從前巡撫及委員衙門各遣家人坐
口監查而家人愚下之輩何能見利不移一惟吹

求商旅從不念及防姦原任巡撫朱綱到任以後
只責委員查報不遣家人前往頗爲得當臣暫且
奏管理亦照之而行但臣細看亦尚未妥蓋從前之
閭閻不妥固多一層家人之累而今此之不妥又少一
層互查之人巡撫專靠一委員委員又專靠衆家
人雖所委之員廉慎奉公查懲竭力無如所轄之
地旣遠所用之人又衆心有所不及力有所不能
稽查滲漏勢所必至僕役朦混難保其無臣謹思
一法總理關務應特委一道員稽查下再委府廳
總辦理令其專駐廈門總口其餘各口之在福興

泉漳四府福寧一州者於各地官員不論府廳州縣但看其人精詳奉公者選擇分委專查彼處口隘庶耳目就近難以欺蔽稽貨防姦事易精詳似於海洋關稅稍有裨益除臣一面辦理更定委查另行具

題外謹先繕摺奏

聞謹

奏

福建海關已有旨派遣京官前來管辦到時協同盡心料理可也

雍正六年十二月二十八日福建總督臣高其倬
謹

奏爲奏

聞事雍正六年十二月二十六日

欽差侍郎臣史貽直到福州省城仰蒙

皇上天地父母之恩所有欽奉

聖諭訓誨臣感激無地慙慙無地敢不痛自悛改一一

敬記欽遵容臣詳悉另行繕摺具

奏再奉

旨交令辦審查理事件容臣逐一會同辦理審查亦另

行會

奏外所有史貽直到福日期謹先繕摺奏

聞謹

奏

前歲在京朕覲面開心見誠諄諄訓誨不啻百千萬言
尚不能動汝分毫今史貽直於幾千里外轉傳數句諭
旨曷敢望汝欽承痛革耶不過聊盡朕心焉而已總不
得人奈何似汝等積年老練胷中定有成見者雖曉譬
萬端竟牢不可破殊爲莫解靜言思之終屬朕之德薄
信淺實不足以感孚亦無怪乎諸卿也大小臣工若果

咸遵訓誨任勞任怨竭力奉公則億兆奠安化行俗美之效計日可必其如羣然不肯何

同日又

奏爲奏

聞事竊照福建米價情節臣前已具摺
奏明續於十一月內得大雨一次十二月二十六七
兩日又連得大雨田中俱已霑足二麥青茂大麥
已有一半抽穗各府米價俱仍如前汀州府米價
自十一月中旬以來每石一兩三錢有零比前又
減福州府米價每石賣一兩四五錢不等但省會

之地人煙稠密每到元旦節近則米價定比平日
稍爲昂長臣於十二月十五日以後將所存未糶
之浙江穀石於各營兵丁已酌糶萬餘石城內有
萬餘兵丁之家不買米食則近節之米價可以仍
然不長今十二月二十六七日以來已比前每石
俱賤四五分現在福建各府米價民情俱甚安靜
臣謹將情節繕摺奏

聞謹

奏

覽閩省近日情形朕懷深慰

天恩雍正七年正月二十日福建總督臣高其倬謹

奏爲恭謝

天恩敬遵

聖訓切實改勉期竭寸忱事竊照侍郎臣史貽直自到
閩以來凡在公所會集及署室對晤時時諄切詳
細宣傳

聖訓逐一教諭反復開導竝將其日在

禁庭目瞻心記我

皇上宵衣旰食勤求治理所以敬

天勤民惟誠惟實中外臣工視同一體之至意無不事事

示知殷殷戒勉臣敬聆之下沁心洽髓感激涕零

伏念臣一介庸愚過荷

知遇畀以封疆重任格外

寵榮涓埃無報愆戾山積

皇上屢加寬宥頻

賜矜全不但臣之顯榮華膺皆荷

天地生成卽臣之名節臣之身族皆出

天恩所賜

憐憫保全在臣奉職無狀慚慙欲死乃又蒙格外

天恩數千里外

命侍從大臣仍遠加

訓誨俾臣猛省期臣悛改雖天地之德父母之心無以

至此臣亦忝居人列具有心性何肯甘於怙終上

負

聖恩下慚同列至爲

盛世之棄物

聖主之罪臣嗣後惟有切遵

聖訓刻勵心神斷不肯存絲毫希譽之心不敢有一點

天恩討好之念改其優柔勉其緩懦事事據實念念存

天誠冀少贖前此重大之愆稍報

天地高厚之恩於萬一耳所有臣恭謝

天恩祇遵

聖訓情節謹繕摺奏

聞謹

奏

詳閱所奏似屬本諸天良發乎至誠但恐熟處難忘世俗通病捨己從人大非易事雖目前偶然警醒暫以爲是奈薰染已久習慣性成不數時仍循故轍矣朕七年於茲惟以用人爲事訓誨爲心看來欲貪夫廉尚易冀懦夫立尤難朕殊惜汝何靳而不勉爲

天祐之全人也今覽此奏深信汝之真切改悔而不敢信
汝之事事剛果實力奉行也勉之勉之

同日又

奏為奏

聞事竊照廈門地方為福建通省洋船出入總口澎臺

之咽喉各處人民輳集於此風習不純最易叢姦

必須文武和衷協力辦理方能有益臣查興泉道

張廷

枚多有言伊好者朕殊不喜其人觀其志趣乃一

無知

張廷枚自到廈門以來辦理頗屬勤力甚肯任事

近日與提臣藍廷珍彼此胷中不和其端係因講

究審理公事之職掌而起提臣藍廷珍在廈凡盜

賊及偷渡之人每經拏到間有卽嚴打懲創發落
不卽送文職衙門審理此雖於例有不符然廈門
海疆巖險之地姦宄頗有非威嚴不足以彈壓此
等地方消弭姦宄而捷速辦理始副事機此應通
變辦理者至於偶有些小訟事間亦卽自發落此
處是提臣之不是張廷枚不肯聽其如此俾歸文
職辦理此處是其職分當言但未免氣象太過一
則武職性粗一則年富氣盛俱不能自返彼此漸
成不和光景臣現開導提臣嚴諭該道俾彼此和
衷雖外面暫從然胸中芥蒂未必能化久恐無益

皇上臣愚昧之見提臣藍廷珍管理嚴肅於廈門有益
張廷枚應調換他處伏查福建糧道事務不繁糧
道李玉鉉人老成辦事詳晰臣請或卽以李玉鉉
已有旨矣張廷枚彼此對調或請

皇上將興泉道另簡老成之員張廷枚俟有道缺另補

其提臣藍廷珍亦仰乞

將此二句作爲朕於他處所聞之語傳旨飭諭令其遵
皇上批令勿存鄉井觀瞻之心本地體面之意與再來
奉

道員和協辦理則於大臣之體地方之事均始有
當有益臣謹將情節詳細繕摺奏

聞謹

奏

朕謂另調道員抵任之後藍廷珍勢處不得不相和好更無煩朕加批訓倘或仍至於不睦其過必在文員汝但切戒李玉鉉可也

同日又

奏爲奏

聞事竊照福建地方於今年正月初九等日俱得大雨各處所種二麥甚是芄茂十分之中已有三四分秀穗者正月以來泉州各屬縣因臺米常到又聞皇上賞給之江浙漕米不日將次運到米價每石又賤

於前細米一石只賣一兩一二錢粗米一石賣一兩五六分漳州興化二府與泉州相似福州省城細米每石賣一兩三錢有零粗米每石賣一兩一錢延建邵三府之細米每石賣一兩一二錢汀州府細米每石賣一兩三四錢福寧州細米每石賣一兩二三錢各處米價俱極和平春雨俱極普遍所有情形臣謹繕摺奏

聞謹

奏

覽奏春雨情形朕懷猶未寬慰必也封疆大臣諸凡政

務能蒙

上天許一是字則雨暘時若可預期不爽朕然後方釋顧慮之念也勉之勉之

雍正七年二月初八日福建總督臣高其倬謹

奏爲奏

聞事竊照福建自入春以來雨水甚足二麥茂盛臣業已將情形繕摺

奏明茲於正月二十八日至二十九三十日天降瑞雪地上積至四寸有餘福省地暖難得有雪而地上存積數寸尤不易見實爲瑞兆年穀豐盈之應

衆口同詞皆以我

皇上敬

天勤民誠意感孚所致海隅億兆咸荷

高厚之恩共有盈寧之慶所有瑞雪情形臣謹繕摺奏

聞再浙江截運漕米現據福省遣往押運之員報稱已

運到一萬五千餘石泊收五虎門外臣現分派貯

糶各處米價又更平減謹一并附

奏

切戒肆志但以誠敬二字對

天直待秋成後方可言盈寧之慶也汝於去春亦曾具有

如此一奏至收穫時乃大相懸殊於心能無愧乎朕觀
汝等亦知勤學立品然不免徇於私懷自爲究於大公
至正天道人理茫然未喻奈何奈何此時不過將雨雪
情形據實陳奏一無增減則已奚庸鋪張如許夸詞設
似滇豫兩省連歲豐收又不知作何形容矣朕殊代汝
慚忤而兼爲汝懼也

同日又

奏爲恭謝

天恩事竊臣於雍正六年十一月初五日於臣

奏事摺匣內敬繕恭請

聖安一摺恭請

聖安又將臣與戶部主事管志寧議論之情節具摺奏聞臣以爲分處進

呈又於摺匣內敬繕恭請

聖安一摺竟不思係同日拜發之事臣大不敬謹之罪重不可追仰蒙

皇上格外天恩不加嚴譴

命怡親王令臣齎摺家人持回臣跪看仰承之下感激愧慙無地自容雖肝腦塗地不能上酬

高厚之恩臣無任惶悚戰懼之至謹繕摺恭謝

天恩謹

奏

類斯謬誤皆莫之爲而爲實默有主之者不知返求諸
本愧慙何益戰慄惶悚無非虛文卽如肝腦塗地等語
雖出誠切何補於朕躬亦何濟於地方生民耶要當遠
大是務用心探本尋源於合天理對幽獨處著力毋在
區區拘謹邊耗費精神今歲秋冬之間朕看劉世明若
於閩撫一任猶屬妥協地方無事意欲召爾同管志寧
來京俟到時再面加訓誨但尚在未定臨期候旨行

聖安同日又請

奏爲奏

聞事竊臣署理福建巡撫印務兼管海關稅課所有臣
管理月日內徵收正額盈餘及一切火耗擔銀各
雜項臣俱逐一造冊悉行交新撫臣查收業經具
奏今計臣管關三箇月零八日共收正額并盈餘稅
銀四萬五千三百三十四兩零連前撫臣常賚朱
綱所收正額并盈餘銀共一十萬六千七百三十
四兩零通計雍正六年全年共收正額銀七萬三
千八百五十七兩零盈餘銀七萬八千二百一十
兩零尚有商漁船樑頭徵收未完銀二千九百六

十二兩零俟催完亦應歸入盈餘之內共應盈餘銀八萬一千一百七十二兩零又從前常賚朱綱任內所有火耗擔雜及家人伙食鹽菜等項銀除支用公事外其存剩者俱經前撫臣各自行收用尚存解銀水脚等銀六千三十三兩零臣任內所收火耗擔雜伙食鹽菜等項銀除辦巡撫衙門公事等項用銀二千八百三十五兩零又應除解銀水脚等銀二千七百五兩零及管關同知張嗣昌養廉暨各家人巡役工食外臣署任內淨存應得奏耗雜等項銀七千餘兩臣謹逐一將支存細數造

冊移交撫臣劉世明查明此七千餘兩亦歸入盈
餘數內共計盈餘銀八萬八千一百七十二兩零
再合正額總計雍正六年海關共收正額并盈餘
銀一十六萬二千二十九兩零再臣所管尚有自
雍正六年十二月二十七日至七年正月初三日
計六日之銀俟各口報齊查明再行造冊一并移
交撫臣查核再未完樑頭項下尚有應完耗銀三
百四十餘兩應俟接管之員隨正徵收統歸盈餘
數內所有情節臣謹繕摺奏

聞謹

奏

覽

今命準泰來閩管理稅務諸凡儘力助之

同日又

奏爲奏

聞事欽惟我

皇上立賢無方因材器使雖廢員之中其才守尚有可
取者無不搜求再試使之改過自新內外臣工咸
知感激奮勉臣所知者有原任福建陸路提標右
營遊擊孫濂因署同安營遊擊事務將包齊二姓

聖恩列械傷鬪之事未行實報經臣
題叅革職但其人居官操守頗好辦事謹慎勤苦尚
有可用又有原任臺灣淡水營守備鍾日陞因違
例頂替班兵郭元等四名經臣

天題叅革職提審其前在守備任內不避勤苦管兵有
方前帶兵進剿番人甚有膽勇以上二員臣不敢
因係臣所叅之員隱沒其微長謹據實奏

聞仰懇

天恩或准令引

見伏乞

硃批諭旨

四

子

高其倬

睿裁謹

奏

該部察議具奏

同日又

奏爲恭謝

天恩事雍正六年十二月二十六日臣齋摺家人回閩
捧到

皇上賜臣哈密瓜一箇臣郊迎至署恭設香案望

闕叩頭祇受訖伏念臣一介庸愚仰荷

聖恩畀以海疆要任涓埃無報愆戾山積不勝慚懼悚

何待恩賜始發感愧之心耶
聖恩垂賜跪捧之下感愧交集惟有矢公矢誠奮勉振

實刷以冀稍酬

高厚於萬一耳為此繕摺奏

恩謝謹

奏

覽

奏為恭謝

天恩事竊臣齎摺家人於雍正七年正月十四日回閩

殊批諭旨

四

三

高其倬

捧到

皇上賜臣

御書福字一幅貂皮三十張平安丸一千圓湯洋一隻

臣卽出郊跪迎至署恭設香案望

闕叩頭謝

恩祇受訖伏念臣至庸至愚仰蒙

知遇受任封疆纖毫無能報稱愆戾滋多屢荷

寬宥洪仁撫己自慚措身無地乃蒙

天恩垂賜

睿藻琳琅異品璀璨臣跪捧之下感激愧奮惟有痛改

猶屬

但能勉盡誠實二字諸凡俱包括於中矣其徵驗豈止
柔儒切勵實誠振興整頓夙夜自勉以冀稍報
天恩深恩於萬一耳臣謹繕摺恭謝
天恩謹
振興整頓而已也

奏

臣見

同日又

奏爲恭謝

天恩事竊臣齎摺家人於雍正七年正月二十九日回

至福州省城

奏摺匣內蒙

皇上賜臣黃辯合包一對臣謹望

闕叩頭謝

恩祇受訖伏念臣身任封疆重寄辦理無能夙夜慚悚

乃蒙

聖恩疊加

賞賜拜領之下不勝感激愧奮惟有痛自黽勉刻勵公

誠以竭犬馬心力仰報

洪慈於無盡而已臣謹繕摺恭謝

天恩伏乞

睿鑒謹

奏

朕之賞罰要在汝等自問耳於心無愧罰亦何辱於心有歉賞亦何榮或因人而賞或因事而罰朕惟虛己應物而已實無容心於其間也

雍正七年三月初十日福建總督臣高其倬謹

奏爲奏

聞事竊臣接准戶部咨雍正七年二月初二日內閣交出奉

上諭據南澳總兵許良彬奏稱南澳爲閩粵要區孤懸海島田地無幾產米有限全賴內地買運接濟兵食

臣所轄親標右營屬於廣東已經兩廣督臣孔毓珣
發銀一千二百兩買穀二千石以備借給兵丁惟左
營屬於福建尚未舉行請將臣之俸金及隨丁項下
銀兩捐買穀二千石并建倉廩發交左營將弁積貯
以備借給兵丁等語南澳遠隔海島自應預籌積貯
接濟兵食今許良彬奏請捐俸買穀伊所有俸金原
以供其食用何能辦理公事著動支閩省藩庫銀一
千二百兩給與許良彬循照右營之例買貯穀石以
備左營兵丁借給之用朕思右營屬於廣東左營屬
於福建孔毓珣爲海疆計如此辦理不識高其倬亦

曾聞之否乎或高其倬之不做倣辦理者抑別有善策乎朕俱不得而知矣著諭令高其倬知之欽此欽遵移咨到臣跪讀之下慙悚無地伏查南澳爲兩省巖疆兵食甚關緊要臣蒙

皇上聖恩畀以福建總督重任何敢不思預備臣於到閩之時恐南澳兵民之食隨經撥米三千石穀一千五百四十九石運到南澳令該鎮及左營遊擊存貯以備借糶後值連歲彼處米貴臣前後陸續將截漕買運并臺灣碾運等項米穀或令將備或令文員押運前往源源不斷接濟共計米二萬九

千四百七十七石零穀一千五百四十九石令先
後接續隨時借糶兵民不但左營之兵閩省之民
不致匱乏卽右營之兵粵省之民亦俱俾其借糶
上年夏間南澳存貯之米穀尚有數千石未完臣
卽恐稍有不接又撥米三千四百五十五石零穀
五千二百石復往預備現今除米糶借外於本年
二月內據報現存左營穀四千二百石右營穀一
千石左營存貯未動之穀較之粵省買備右營之
二千石尚屬加倍右營并貯有閩省穀石嗣後稍
有借糶臣又卽撥貯存備臣因南澳左營之穀現

有預備是以未經發銀買貯今此總兵許良彬籌
買穀石臣請無庸另買卽於前項存穀內酌數存
留修倉收貯設有一時更多需米穀接濟之處臣
奏再隨宜撥運前往接濟所有情節臣謹繕摺奏

聞謹

奏

另有旨諭部此奏殊屬巧辯

再回鑒署退育制前臣

同日又

夏洲前於夏門縣香對臣之陳辭兼戰理

奏爲奏

式梁要臣日寄計密令南將總縣共兼署全

聞事竊照福建水師提臣藍廷珍向有痰疾近又舉發

殊批諭旨

四

三五

高其倬

聞事雖精神尚健然多卧病不出署辦事提督任重厦
門地方緊要臣已寄信密令南澳鎮總兵兼署金
門鎮許良彬前往厦門照看提臣之病體兼彈壓
地方俟提臣之病稍痊再回鎮署所有情節臣謹
繕摺奏

聞謹

奏

此舉甚是許良彬即將來接替藍廷珍之人也密之勿
宣

買銀五兩請無亂民買哨伏前府齊豫內頗嫌其
同日又呈以未盡發給買領令此縣兵哨更淋膏

奏為奏

聞事竊查福建自二月中旬下旬以來連得大雨三月初旬晴霽應時二麥已有刈穫者收成約八分九

分不等早稻之秧現已五寸有餘將近分插田中

上天慈鑒

之水甚足插蒔敷用江浙二省蒙

聖恩截留之漕米臣遣文武各官與二省之員協運今

浙江者於二月內五萬石業已全到江南者已到
三萬二千餘石尚未到者一萬七千餘石亦有信
來不日即到臣現酌量各府米價之低昂需米之
緩急分行撥給閩疆百姓無不感戴

皇仁歡呼叩首各處米價平減之至此皆仰賴

皇上賜米截漕之恩至江浙截漕之米難以過夏久放

臣現與撫臣劉世明商酌令福興泉漳四府俱以一兩一錢一石糶給兵民仍留有餘以備四五月之接濟所有情節臣謹繕摺奏

聞謹

奏

覽

奏爲奏

同日又奏自二月中會平會以來數日大雨三日

聞事竊照福州城守副將馬召南自到任以來管兵極
嚴凡所辦理營伍之事井井有條臣標中軍副將
仇元正調往雲南臣令其署理臣標中軍事務一
切俱能實力辦理管束弁兵甚是嚴明且能有斟
酌人亦明白實屬賢能之員臣愚昧之見以爲係
可用之才謹繕摺奏

聞謹

奏

馬召南曾經侍衛班內行走朕所熟識者心胸猶屬明
白安靜和藹循分守己是其所長乃巧黠善柔之流若

言能管兵嚴明或到閩奮志勉勵亦未可知前在廣西
一任諸務懈弛原欲予以斥革因念無大過且係

皇考時年久進士姑從寬調補今職茲覽汝破格保薦朕
殊爲驚訝莫非脫胎換骨乎馬召南何能如是奇特向
後宜再加試驗或恐見伊儀表文雅又兼平易近人較
之武弁中之粗俗愚戇者不同故爾頓生識拔未必留
心詳察其行爲耳凡人之更改遷移雖不可限定然質
地心性亦未能一旦變換遂至迥異此奏朕究不以爲
然

閩事雍正七年三月二十七日福建總督臣高其倬謹

奏恭請

皇上聖安

朕安

有旨命汝於閏七月起程來京候部文到日遵行

同日又

奏爲奏

聞事竊照福建水師提臣藍廷珍舊疾復發未能出署
辦事臣寫字與南澳總兵署金門鎮事務許良彬
俾其到廈門看視彈壓之處已經繕摺奏

聞臣又遣人往問據稟於三月初五日到廈親見提臣

病已漸愈雖面瘦氣弱而精神尚好已出署考驗
過各官一次等語近又經各處稟知提臣病更大
好如常辦理行走所有提臣藍廷珍病痊情節臣
謹繕摺奏

聞謹

奏

覽奏知道了頃據藍廷珍奏請陞見朕料其病必大痊
矣

同日又

奏爲奏

聞事竊照琉球國進貢使臣向例到閩有福州海防同知衙門陋規二千兩臣前已查明革除業經

奏明嗣後又查有管海關之委員及城守營亦各有

陋規二百餘兩復經裁禁近訪得琉球國人給看

館及前站各色之人銀錢看鈔報及臣等省報適

撫臣劉世明到臣署臣隨說知卽同撫臣各飭令

新任之海防同知李錫爵嚴查隨據稟稱卽已將

看館前站人等嚴行懲革其琉球國貢使係是遠

人臣等未便窮詰但令其知之自行警戒所有情

節臣謹繕摺奏

聞謹

覽

同日又

奏爲奏

聞事竊照福建汀漳道朱鴻緒前經奉

旨令往江南清查積欠錢糧近臣接准部文汀漳道缺

奉

旨以福州府知府楊弘緒補授欽此欽遵臣查朱鴻緒

聞事雖到任未久其辦理地方事事身親一切實料

此人

心險何可篤信

理而才識足以濟之於整頓沿海風習甚能有益
確是一有實用之人臣前因臺灣起見以揣度之

意冒昧陳

奏今實見其如此不敢有誤人材倘

皇上江南查欠之差可另得人或朱鴻緒清查事竣之

後仰懇

聖恩仍用之福建臣敢保其於海疆必有大益再臣前

據朱鴻緒詳報原任臺灣府同知王作梅原任閩

縣知縣李芬欲保往江南帶令查欠懇行具

題臣查此保帶人員雖經奉

旨令伊等舉出然係仍令

欽差查欠之大臣江南巡撫具帶令查大縣并具

應不子具題者

題臣不敢違例據詳卽行具疏但旣據具詳到臣不

敢壅於上

聞臣謹將情節一併繕摺奏

聞謹

奏

覽

同日又

奏爲奏

聞事竊查閩省飄販南洋船隻俱於北風之時前往南風之時回棹茲據廈門同知張嗣昌稟報所有雍正七年分飄販南洋船隻自雍正六年十二月至今年三月有陳合興等商船共二十五隻具報前往俱經臣嚴飭文武逐一詳查細驗取保放行俟回棹時臣再遴員前往覆查一一明白相符始准入口再爲具

奏外其雍正六年分飄販南洋出口之船共二十一隻有高陞等一十三船俱如期回棹查驗明白入口又有許天澤陳得勝船二隻因遇風飄至廣東

復自廣駕回於上年十二月內回廈門亦經驗放
入口又有陳旺興一船遭風飄至廣東廣海地方
船壞人溺僅存陳旺興等十二人又林順興一船
遭風飄至廣東香山十字門地方船壞人溺僅存
貨客舵水三十三人又徐瑛一船回途大洋遭風
船壞人溺僅存高彬等一十三人飄水遇救搭船
至廣東復病故五名止存八名以上遭風三船所
存人等俱經報明廣省地方領照并經廣東督撫
移咨前來俱查照與原人相符已行令安插又林
盛一船中途遭風打壞桅舵遇香山哨船救至畧

門船未全破有貨客甘佛等十二名領廣東咨文
回籍已經查明相符發原籍安插其原船一隻復
在廣省修好舵水人等在廣東攬客由廣省驗明
出口仍往宋居勝貿易又陳萬源鄭福二船俱在
外洋壓冬未回俟回棹時嚴行查驗所有今年洋
船數目及上年船隻回棹各船情由臣謹一并繕
摺奏

聞謹

奏

覽此飄溺人口甚屬可憫必係船隻不堅所致今李衛

陞見在京朕有面諭之旨伊回任後自然通知於爾也

同日又

奏爲奏

聞事竊查福建自入三月以來雨水甚足稻秧現皆布
插田水充滿各處二麥收成十分九分八分不等
俱係豐熟米價甚平比二月內每石又賤五六分
以及一錢不等所有情節臣謹繕摺奏

聞謹

奏

覽雨水霑足米價平減情形朕懷深慰

雍正七年四月初三日福建總督臣高其倬謹

奏爲請

旨事雍正七年四月初一日准浙江督臣李衛咨爲密
咨查拏事本年三月十六日新陞漕運性督院浙
江觀風整俗使蔡都院面言性督院家人巴蘭泰
自京來至山東遇有蔡都院家人孫從熟識同行
隨外有馬姓一人自稱係福省延建道家人伊主
姓魏北直籍緣奉委辦銅跟隨伊小主在京交銅
先行回閩三人結伴同行至揚州馬姓與孫從面
說你係福建人我在京中聞知

皇上因欽天監啟奏紫微星落在福建地方爲此

特差大人赴閩凡三歲以上九歲以下男子盡行誅滅

現有巴蘭泰一同聽見可據查造作流言傳播惑

衆久奉嚴禁今馬姓敢於如此妄言倘至閩省訛

傳愚民爲其蠱惑恐致別生事端關係非輕因此

公議本部院差外委千總劉朝用帶同孫從巴蘭

泰前至閩省認拏如拏獲其人卽於閩省錄取確

供連人解浙以憑會訊察奪咨臣轉飭拏解等因

到臣臣接閱咨文不勝駭異適延建道魏壯正調

在省委解楠木臣隨卽傳諭查拏據魏壯稟稱果

有家人馬廷錫一名因前在常德府任內辦銅將
銅觔水脚被解員花費以致莫能交清是以變賣
湊銀在江南上海縣差家人蔡利正同馬廷錫帶
領赴京辦交於本年三月二十六日馬廷錫自京
回閩二十七日著伊回延建道署至伊有此言壯
實不知今卽遣家人回署鎖拏解交等語臣當卽
密遣備弁協同該道家人星赴延平嚴拏解究俟
此語斷非馬廷錫憑空捏造必有向伊言論之人當加
窮詰如在都中速行密奏以便飭諭緝捕若係外省亦
宜慎密移咨該督撫嚴拏解闕而同質訊
併訊伊主魏壯確供再行嚴擬叅

奏外再查馬廷錫係閩省道員魏壯家人所言又係

煽惑閩省之事若解浙究審正法無以儆示閩省

審明具疏題請

暢快人心伏祈

皇上准俟馬廷錫訊明請

旨之時容臣等傳集軍民詳加曉示卽在閩當衆正法

以懲姦宄以慰羣情至福省有如此萬惡無良之

何愧赧之有朕亦不敢望汝等如此爲國家留心察姦

誥匪但不怨憾李衛爲多事斯已耳

聞謹

奏

覽

雍正七年四月十二日福建總督臣高其倬謹

奏爲奏

聞事竊照福建八府雨水米價及二麥收成早稻插秧

情節臣前已繕摺

奏明近據臺灣各處稟報現今二麥業已刈穫收成
十分有餘小麥每石賣六錢大麥每石賣三錢米
價亦因之更減每石賣九錢六七分再福州等各
處於四月初九初十兩日連得大雨極其應時所
插早稻甚爲茂盛臣謹將情節繕摺奏

聞謹

奏

早稻茂盛雖屬可喜直待刈穫後方敢言秋成也

同日又

奏爲奏

聞事竊查臺灣南路鳳山縣所屬山猪毛等三社生番
因莊民邱仁山等擅入深山引水灌田被生番殺
死十二人又趕至竹葉藪殺死二人當經臺灣鎮
道稟報併詳將殺人生番勦拏示懲臣隨經批行
嚴查懲勦去後續據該鎮道詳報於本年二月初
一日夜生番又於田尾地方殺熟番紅朶等大小

七名又焚牛隻草蔡稟稱先已委令同知劉浴遊
擊斬光瀚帶兵三百五十名番壯二百餘名前往
擒拏今於二月二十一日直抵山猪毛社前石門
扃閉儼若關隘施放大礮擊碎石門而進分兵搜
捕兇番先已逃去隨毀其巢穴詰詢嚮導云離此
十五六里尚有山裏曰一大社山路更險爲兇番
藏匿之處卽帶兵前進竟有數十兇番把守施放
鏢箭我兵大礮飛發番衆驚逃躡勘山左有旁徑
可入隨分兵追剿兇番男婦俱由東北滾巖而逃
二十三日移營山猪毛溪口二十五日二更時候

密遣鄉勇通事率內優社番壯由後山暗渡埋伏
二十六日統率官兵或由溪上或由山入舉礮爲
號前後夾攻兇番拚命奔逃督兵窮追斬獲番頭
一顆并獲鎗箭等械三月初一日探知兇番往八
里斗卽前往追尋於山深林密內陡遇兇番成羣
喊殺鏢箭亂發土官邦於澤等督率衆番奮力攻
擊砍倒兇番三人割獲首級其餘多有帶傷者本
月十一日又設法令近社生番將山猪毛社生番
引出隨卽圍拏現獲二十人解赴訊奪其餘現在
招撫各等情又據稟各處左近旁社悉行安撫已

撤兵回營隨又經臣檄行該鎮道將所拏各番分別究訊果係實在殺人兇番究擬解審示懲其無罪者仍曉諭釋放并詳細安撫各番令其寧謐至越界滋肆之通事人等斷不可寬卽嚴行查拏究擬重懲照會行知今又據稟稱該社生事之通事張漢伯已經拏到又舊通事慣行引誘生番生事之柳福藏入番社亦已設法拏出現在究擬等因俟分別查詳究擬到日臣會同撫臣劉世明查審明白具

題所有情節謹先繕摺奏

聞謹

奏

平時不能約束內地人民越界生事至激變之後將無
知蠹類恣情殺戮殊屬可愍豈以此爲功乎朕實耻之
陳祖訓曾命汝留心察視究係何如人耶

雍正七年五月初二日福建總督臣高其倬謹

奏爲奏

聞事竊照臺灣各文員履任年限及更替料理之處欽

蒙

皇上睿慮周詳

聖恩高厚令該部議定成例臣現欽遵辦理嗣後臺員
俱可敷辦理委署之用至現在臺灣文員之中臣
查臺灣道劉藩長前因丁憂給假今已年餘尚未
回閩伏乞
皇上俯賜令山西省速催赴閩又新調臺灣府知府倪
象愷亦因丁憂給假恐亦不無遲緩併仰乞

皇上敕諭川省令假事一畢卽催來閩其臺灣府知府
事務臣現委興化府知府沈起元前往署理又海
防同知員缺經臣以候補通判尹士俚

題補尚未經奉

硃批諭旨

四

吏

高其倬

旨臣現今漳州府通判劉浴在彼署理四縣之中除諸
羅彰化皆有現任之員其臺灣縣知縣張廷琰經

臣題叅請以晉江縣知縣唐孝本調補署鳳山縣知縣

彭之曇亦經

臣題叅請以龍溪縣知縣熊琴調補臣現飭交盤一完

俟風平便卽行過臺辦理惟是臺地隔海之區仍

應於現員之外卽多遣一二額外之員前往一面

幫助辦理一面預備委署更替庶無渡海遲緩之

望恩處但查現在閩省府縣缺員頗多咸需委署一時

實難更於額外多遣前往俟奉
旨命往以知縣用之各員一經到閩臣卽將新員委署
替出諳練之員二人前往臺灣以備委署更替之
用所有情節臣謹繕摺奏

聞謹

奏

該部察議具奏

雍正八年四月二十二日福建總督臣高其倬謹
奏爲恭謝

天恩事竊臣一介庸愚仰荷海疆重任愆謬山積蒙

硃批諭旨

四

三

高其倬

廣雅

天顏仰瞻

聖治跪聆

睿訓捧讀

殊批心神豁開如夢得覺始識性因革鳴鉢濺員委署

君臣原屬一體萬事惟在一誠臣從前岐謬之痼病後

聖諭 此上進之階梯一現前炯炯披露自此得以徹
聖文 骨悔改勉力成人此
皇上最深最重之
洪恩 臣身難遇難逢之遭際臣惟覺感激無地陳謝無
辭又復重荷

特恩加銜疊蒙

賞賜臣卽捐糜頂踵何能仰報今臣已於四月初十日
回到福州臣署所有日期另行具疏

題報外謹繕摺敬陳微悃恭謝

天恩伏乞

硃批諭旨

四

早

高其倬

睿鑒謹

奏

今調卿兩江復有面諭之旨不得已召卿來京總俟到
時面悉

恩同日又蒙

奏爲奏

聞事竊臣於本年四月初六日回至福建延平府適觀

風整俗使臣劉師恕亦到延平恭請

聖安臣卽將在京面奉訓飭劉師恕之

聖諭并賞給養廉銀四千兩之

恩旨敬謹宣示隨據劉師恕叩頭謝同職聖恩賜餘
恩口奏臣劉師恕從前過失甚多俱蒙
皇上矜全應追銀兩俱蒙
皇上寬免閩中用度

命臣自備此正

皇上深於造就至意茲又

恩賞養廉

聖恩高厚至於如此臣雖木石亦知感激奮勉惟有力
改前非矢竭公誠仰報

聖恩倘嗣後不實心辦事一毫苟且願當重譴求臣代

硃批諭旨

四

聖

高其倬

聖恩伊回對不實心機事一亭待且願當重貽未引升
奏臣回至福州府於四月十七日復經劉師恕寄書
聖恩與臣云署中人本無多諸事簡省一切用度只須
恩賞二千兩即可敷用伊身受

恩至重本任支用之外若稍留贏餘以補別項心實不
命安令臣將此情節代爲轉

奏臣謹將臣敬傳

聖諭及劉師恕所奏情節繕摺奏

聞至給與劉師恕養廉銀兩之處臣亦已敬將

聖諭傳與巡撫劉世明一體欽遵會同辦理按期給與

至於所給銀兩定數臣敬候
聖旨遵行謹一併附

奏

既據劉師恕有辭多受少之奏卽照其所請知會劉世
明給與可也

同日又

奏爲奏

聞事竊臣欽奉

聖諭令臣於見署理水師提督印務臣許良彬時以臣
意詳切勸導俾其竭力奮勉欽此臣於四月初十日

殊批諭旨

四

望

高其倬

意到福州臣署許良彬亦巡海到省臣謹遵
旨以臣意詳切勸導勉其嚴管兵丁緝懲盜賊詳察營
務籌防臺灣內秉誠心外盡實力以仰報
聖恩自盡職守相勸之際臣看署提臣許良彬言語心
意甚要實力勉奮嗣後辦理臣看其果是如何之
處再行據實奏

聞至臣勸勉之語并許良彬之語臣謹另錄一摺恭呈
御覽謹

奏

好將所錄勸勉之語與劉世明看俾伊知之

同日又管亦熟重懲以懲其不循督其之無縣
奏爲奏

聞事竊臣到閩後查得侍郎臣史貽直署理九月以來
所辦諸事俱妥協詳明兵民相安米價甚平惟今
年正月二十二日臺灣府地方因臺灣縣知縣唐
孝本夜間帶領民壯查拏賭博并開鴉片館之張
攀等張攀等上房逃走被千總李振拏住唐孝本
與之相爭誤將該千總扭押次日營中兵丁鼓衆
生事擅離營盤炒嚷業經史貽直一面嚴審一面
具疏

題叅請將知縣唐孝本千總李振解任質審各兵犯
嚴提究審定擬管兵不嚴之中營守備陳君贊把
總王友并請革職署中營遊擊林榮及總兵王郡
一并附叅在案臣查臺地遠懸海外兵習少縱最
有關係知縣唐孝本扭押千總李振自有該弁與
之揭報聽上司究懲兵丁何得鼓衆生事此漸斷
不可長臣現飛催審明臣愚昧之見爲首兵丁應
嚴行處死以警將來其署遊擊林榮到任僅及半
月尚微有可原至守備陳君贊把總王友不實行
盡力嚴管亦應重懲以爲備弁不能管兵之戒總

所論

甚是將此情節當通知劉世明

兵王郡雖在臺兩載辦事頗爲盡力但臣聞其於
此事彈壓亦不得當臣不肯以曾經保舉瞻徇俟
臣再行詳察確實并其近日辦理光景若諸事辦
理如前或此一事有錯臣據實具摺奏

聞仰祈

睿鑒倘此事既辦理未協而一切辦理又不及從前臣
卽另選可勝臺鎮之人

奏請

鎮綏臺灣超山王郡之右者難得其人此舉可以不
皇上聖裁其王郡另請調回懲處再臣訪聞兵丁炒嚷
之初雖係中營之事而臺灣鎮右營遊擊范志遠

最先親身喝罵兵丁立令回營辦理甚當臣謹奏

併奏

聞至於知縣唐孝本自調臺以來頗能實力勇往辦事

雖此一事擅扭千總深為孟浪但其平日實力辦

唐孝本平日辦事之處亦令劉世明知之

理之處臣不敢掩其寸長合并附

奏伏乞

皇上睿鑒謹奏

奏

覽

雍正八年六月初三日福建總督臣高其倬謹

奏爲奏

聞事竊查福建水師官弁兵丁生長海濱慣於操駕其
水務之膽勇技藝實多可觀較之他省爲優但多
泉漳之人習氣相沿仍有未能盡改者一則重同
鄉親友之情上下通聯彼此瞻庇不肯公直舉察
嚴緊管理一則以富相誇貪得苟取交互營私彼
此不恥各官弁兵丁犯此病者頗多臣幸仰蒙
皇上至高至厚之恩諄切

教訓恍如更生自期徹骨更改因思教誨之法與察管
竝行實能啓發人心破其愚昧臣前此教導水師

硃批諭旨

四

聖

稿其倬

官兵者尚未深切著明今詳細敬思推廣
聖訓之意作一牌檄欲刻作小本俾各水師官弁兵丁
詳看使之透徹從心內動念改起其機旣振於有
志實改者卽以激勵隨之於下愚不改者卽以懲
叅隨之務使水師之中大改故習但恐臣之所言
未到不足動人謹另摺繕錄恭呈
御覽伏乞
聖恩指示教訓謹
此意甚善如尚未刊布交付劉世明訓示施行

雍正八年六月初六日福建總督今調兩江總督

臣高其倬謹具摺

奏為恭謝

天恩謹陳微悃事竊臣荷蒙

聖恩調臣兩江總督昇臣乘驛

陛見臣聞

命之下感激涕零謹恭設香案望

闕叩頭謝

恩所有福建事務臣現在料理交付定於六月十一日

交印十五日起身於八月初二三日在京仰瞻

殊批諭旨

四

吳

高其倬

天顏恭聆
聖訓但臣之犬馬微忱更有上瀆
睿聽者臣受

恩之重實若再生得一圖報辦理之地努力勉奮乃臣
望恩才力精神辦理福建一省已實勉強兩江地大事
天恩多阻實不克勝任伏乞

皇上俯鑒蟻悃兩江總督之職另

簡賢能委用辦理庶封疆不致貽誤臣感戴

洪恩於無既矣爲此繕摺冒昧懇

奏仰祈 次人依章前辦查外武營哨法用時後請
睿鑒謹 四日蒙 主明 諭 蔡官 沐 照 小 璽 冊 可 黃 龍 等 并
奏 年 正 月 二 十 日 奉 旨 用 督 刺 刺 武 稟 陳 本 月 二
覽奏已悉卿謙讓情悃到京候朕面諭 著 奏 錄 呈 辦 本

同日又 兵 部 官 其 奏 本 八 各 縣 縣 官 而 辦 查 審 代
奏為奏 其 奏 本 二 各 縣 縣 官 而 辦 查 審 代

聞事竊查沿海商漁船隻無論大小例應印烙給照開
載船戶姓名年籍以便汛口盤查杜絕姦匪茲於
雍正八年六月初四日據銅山營叅將稟稱本年
五月二十四日據撥守簷頭礁汛管隊陳海盤驗

小艇船三隻一船戶黃瑤并舵水三名一船戶黃
珀并舵水四名竝無縣給票照惟各執有禮部右
堂蔡圖書小單一張付該船戶販鮭往來生理一
間事給侍郎蔡圖書小單付楊陳在各港內等處洗蠟
生理并舵水二名亦無縣照除將原船三隻暫留
在汛撥兵看守其舵水九名移送漳浦縣查審外
理合專差稟明等情到臣續又據該叅將呈報本
年五月二十七日據守汛管隊陳海稟稱本月二
十四日蒙差押解蔡宦私照小艇船戶黃瑤等并
舵水九人赴漳浦縣查收海遵卽赴汛押送詎伊

侍勢強橫黨結不識姓名十餘人搶奪舵水人等
并將所獲原船內楊陳一隻駕駛而去緣伊等人
衆勢橫不敢與之爭奪理合稟明等情轉報前來
臣查禮部侍郎蔡世遠之子舉人蔡長漢不守本
分私抽稅銀經觀風整俗使臣劉師恕奏
聞據蔡世遠具

奏陳辯蒙

皇上將奏摺發交臣秉公查審臣回任後隨檄行布按
二司查審詳報在案茲復據該營具報前情似此
正值查審之時尚敢違例給照恃勢妄行不法已

殊批諭旨

四

哭

高其倬

極除將署漳浦縣知縣李曙漫無覺察之處會同

撫臣具疏

皇題叅外一面嚴行飛飭查拏妄行擅給照票之蔡世

泰遠子弟家人究訊實情詳報併飭催將蔡長漢抽

問稅稅之處秉公速審另行具

奏所有勢宦違例給照生事不法情由理合奏

聞謹

奏衆裝飾不煩與之爭奪野合稟陳等語轉詳前來

此奏據實不隱殊屬可嘉

雍正九年正月十四日兩江總督臣高其倬謹

奏爲恭謝

天恩謹陳愚悃事竊臣一介庸愚仰荷
知遇畀任封疆加臣世職遂瞻

天仰聖之微願蒙

生成訓誨之深恩犬馬感激之誠深入心髓所有臣恭

謝

天恩之處臣已繕疏具

奏臣白

陛辭之後於雍正八年十二月十九日入江南徐州交
界二十六日抵江寧駐劄衙門一路得雪甚大直

硃批諭旨

四

聖

高其倬

至江寧并上下江各府所屬地方處處大雪浹旬
至正月初一日方晴在在隴畝青潤二麥可望有
收臣察看江南情形文武各員習於懈緩營伍尤
甚江寧城中經

皇上訓飭之後雖大盜未聞而竊賊甚多營縣文武毫
無切實禁緝之法其餘諸事大抵如此臣受
恩深重到任之初未能稍辦一事稍見一效但只鋪陳
既往借作形容臣荷

皇上教訓以來臣實恥於如此嗣後臣惟自思江省凡
有廢弛皆臣之罪竭臣寸誠切實料理以冀或於

官習民風少能有裨期報
高厚洪恩於萬一其一切辦理之處容臣隨事奏
聞江寧城中盜竊臣亦現在設法料理所有臣恭謝
天恩併陳涖悃之處謹繕摺奏
聞謹
奏大
如是自勵甚好勉之勉之

同日又

奏爲遵

旨辦理據實奏

殊批諭旨

四

辛

高其倬

聞事竊臣在京蒙

皇上將侍郎馬爾泰等所奏查賑江省被水人民一摺

交臣帶往江南

命臣會同

欽差大臣及巡撫酌量辦理欽此臣於雍正八年十二

月二十六日抵臣駐劄衙門查被水一十八州縣

天恩應賑民戶兩月糧銀業已散給加賑一月口糧

欽差工部侍郎臣馬爾泰吏部侍郎臣彭維新巡撫臣

高其倬尹繼善御史臣安修德等酌於十二月十六日已

開倉賑給但臣思此一月之口糧計至雍正九年

正月十五日已屆一月卽節省度用僅可至正月
末旬江南麥熟之時在四月二十以後中間相距
將有三箇月爲時稍遠且正當青黃不接之時雖
有本省平糶之糧及浙江督臣李衛運米平糶米
石糶價雖平而此被災之民戶艱於買食就現在
情形應再酌量加賑一箇月或四十日口糧方能
接濟臣隨移咨彭維新等商酌會

奏請

旨
在案今尚未准到回咨回札相離稍遠恐爲日稍遲
臣謹先將臣愚昧所見及被水民戶尚需加賑口

糧四十日情形繕摺奏

聞伏乞

睿鑒至此項加賑口糧臣查揚州鹽義倉之穀共數十萬石加賑四十日口糧共計需米十萬五千餘石除賑用外鹽義倉存餘之穀尚多足敷鹽場各處備用之需有餘且淮揚一帶運送亦易臣愚昧之見請動鹽義倉穀運賑似爲便利再從前各州縣民戶有被水卽出聞賑始回者不在原查數內今亦應補查賑給接濟臣亦現飭各道府州縣詳細查辦料理謹一併奏

聞謹

奏

候另有諭旨由部頒發

雍正九年二月初六日兩江總督臣高其倬謹

奏爲奏

聞事竊臣於本年二月初五日在邸鈔內恭讀

皇上加恩賞恤擊敗準噶爾賊衆衆將士及戰傷官兵
之

上諭知逆賊噶爾丹側凌逞其姦惡敢如此肆逆臣不
勝憤恨而總兵樊廷及官兵等如此忠勇果敢奮

硃批諭旨

四

至

高其倬

擊破賊臣又不勝敬慰而我等破賊忠勇果類奮

皇上恩加逾格且具聞奏對其姦惡類破此報並日不

聖躬引爲己過臣恭讀之下如跪聆

御音不自覺臣心之動在爾類衆衆衆士又輝爵官其

皇上聖謨勝算應之裕如而上厯

睿慮微臣犬馬之情不勝依戀之至至臣以庸愚仰荷

聖恩上年

命得與議想當十月共議之際正逆賊窺伺之時臣毫

奏無智識預慮及此少報萬一實不勝慙愧伏念臣

以若此之識見又何足以測料軍機但臣寸心有

不容自己者雖知無當不敢不以陳

奏就臣愚昧之見兩路將帥官兵上感

皇上高厚之深恩又加以深恨逆賊之悖惡實有奮勇
無前滅此朝食之氣然逆賊伎倆慣習詭詐大兵
前進之時臣以爲其一切示弱誘進僞遁藏姦或
令回衆來歸詐稱脅助或令部落虛降詐稱離心
此處最宜留神乞

皇上諭兩路大將軍傅爾丹岳鍾琪等雖當萬分必勝
之勢之時愈宜小心不可氣猛再臣前與議聞說
逆賊來路一邊阻於山嶺一邊阻於郭必能來之

路不爲甚多今臣雖不詳知逆賊所由之路但似覺其可入之路亦多行走之處頗熟兩路大兵前進或恐逆賊遣兵繞出我後驚擾喀爾喀部落或窺伺我察漢搜爾一帶與巴爾庫爾一帶之軍營亦未可定將帥官兵似宜深加防範此乃臣之愚見實有知其無當且即使萬有一當亦早已在聖慮所照之餘何敢瑣瀆但臣不能不奏之衷實在

皇上睿鑒之中臣謹繕摺奏

聞謹

奏陳而系以四十日之口壘再收以三日四日內之

近日之議卿徐徐自得知悉揆之時勢今歲進剿如何
其可

同日又

奏爲再行詳奏各處饑民情形仰懇

睿鑒事竊照江南淮揚徐邳海五府州所屬各州縣被

水災民仰荷

皇上天地高厚之恩有加靡已無在不周而

聖衷軫念民生猶惟恐一物失所臣跪聆

天語仰承

硃批諭旨

四

五

高其倬

聖訓甫到江南任所查第三月應賑口糧已於上年十
聖史二月十六日散訖計至本年正月十六日賑期已
皇上滿距麥熟之時尚遠臣已將尚需加賑四十日情
形具摺奏

聞今一月以來臣又經細察各處情形上年各州縣被
災之處因上游大水驟至淮黃一時竝漲民間現
種在田之禾稼被淹而屋中囤集之舊糧搬避不
及亦多漂流是以雖係偏災而乏食之情稍甚臣
前原計算自正月十六日至四月末雖有百日之
期而添以四十日之口糧再加以三月四月內之

野菜及河工之傭工卽可竟到麥熟之時近來一
一細看情形扒搶者未絕倒斃者亦有其確實光
景實有不能以四十日之口糧卽確可支持至四
月末之勢目前民間正將耕作待布秋禾若口食
不接難以力作本年農稼恐有耽擱關係匪輕臣
前所籌

奏尚有未盡既有如此情形若不再爲奏

聞先行預備恐臨時

奏請有遲接濟就臣愚昧所見應再籌備給賑三十
日之口糧以備接濟又臣細察各州縣之民戶內

有當被水之時卽行逃出聞賑之後又復還家者
亦有當初查之時其家尚有數月之糧不應造入
賑冊及到今春實無糧食可以餬口現又待拯者
亦更有各州縣查荒遺漏者此種皆未經查造入
冊之人雖仰蒙

天恩有加無已此等需食之人以原冊無名不能仰霑
賑濟之

恩臣將此處正寄商撫臣尹繼善而撫臣亦移咨與臣
內稱從前查報災民僅就被水村莊造冊其未經
被水者俱未竝查卽被水村莊內亦止賑乏食窮

民其稍有積蓄者惟恐冒濫原未一概入賑迄今
爲時已久稍有積蓄者固已食用無餘卽未被水
窮民亦多謀食維艱若照前散糧仍止在冊災民
此外無由遍及惟有改行煮賑多設廠所辦理有
法委用得人則窮民皆可均勻餬口等語臣謂設
廠煮賑亦須查其應食與不應食則與查其應賑
與不應賑同一查辦不若再多委妥員協辦更令
大員督察辦理查明實在乏食之民仍以口糧給
領爲妥臣等現在商酌俟商定再一面具

奏一面辦理以上二項給賑之處倘蒙

聖恩允行臣前請動鹽義倉十萬石之米又不敷用臣

查浙江督臣李衛

奏明動運浙江省城永濟二倉米二十萬石到江北

山東平糶臣愚昧之見如蒙

皇上格外天恩准賜加賑則浙米正到江南莫若將此
二十萬石內量行動撥與江南各州縣本處之穀
米及鹽義倉之米一同酌量爲添賑之用臣隨咨
商浙江督臣已准李衛覆稱江省需賑米穀與其
再往揚州撥運鹽義倉米不若將浙省現成起運
之米於沿河州縣起撥散賑更爲便易若待賑期

可將迫或將撥運山東之米俱留備賑亦無不可止須查明

題銷浙省開除自行買補無庸解還糶價等語似此一轉移間均屬便易并將撥賑有餘之米仍行平糶則賑糶兼施乏食窮民均沾

皇仁於無既矣又臣准撫臣尹繼善移咨內稱江都泰州地方上年被水較輕未經

題請賑濟恐其間亦少有被災之處不無乏食窮民自當竝行賑濟今酌發銀一千兩令該府酌量給發該州縣將實在乏食窮民量爲賑恤等語臣查

此二處之情形上年因江都泰州二處被災少輕故只

題免其錢糧未經賑濟今入春以來二處實有乏食之民需賑頗急臣謹一面酌動揚州鹽義倉穀二千石委揚州知府賑恤江都動撥泰州鹽義倉穀二千石委該知州賑恤泰州俱令詳細加意辦理務期得所謹一併奏

聞謹

奏

戶部速行查議具奏

雍正九年三月初六日兩江總督臣高其倬謹

奏爲奏

聞事竊照上年下江淮揚徐邳十八州縣偶被水災仰蒙我

皇上蠲免錢糧

賞給修葺室廬之費更免從來例不應免之漕糧

特命大臣會同督撫動帑發粟撫綏賑恤加增口糧之數添展散賑之期俾災黎人人得所

聖恩優渥至深極厚今又蒙我

皇上逾格天恩命動鹽義倉穀加賑四十日之口糧濟

硃批諭旨

四

奏

高其倬

其困乏資其耕作又

命臣等會同侍郎臣彭維新悉心奉行并

令臣等將

皇上逾格加恩之處曉諭百姓俾各省過嚮善守法奉

公乘此春和盡力南畝勿再游手失業欽此欽遵臣

卽會同彭維新尹繼善一面敬將

皇上逾格加恩詳晰

教訓上諭通行宣布刊刻曉諭令各處百姓人人敬悉

恪遵省過嚮善守法奉公乘此春和盡力南畝無

負

皇上生全之曠典
教誨之深恩一面分委各道多帶協辦之員率同各府
廳州縣詳細確查切實料理至徐州一州四縣又
專委通太道包括帶領幹員親往查辦務使饑民
實沾

聖恩咸登衽席侍郎臣彭維新御史臣安修德亦已於
二月二十八日自蘇州前往淮徐親身辦理淮揚
邳徐數百萬百姓無處不歡呼雷動叩謝

聖恩皆稱勉遵

聖訓省過嚮善各勤本業至上江地方上年亦有被災

聖諭之各州縣但其情形較下江頗輕仰蒙
皇上深恩蠲賦免漕

命給三月賑恤米石已敷接濟現在上下江晴雨均勻

麥苗青茂可期有收所有情節臣謹繕摺奏

聞謹

奏

覽奏散賑情形朕懷稍釋

同日又

奏為奏

聞事竊照江寧為江南省會城中偷竊之事時有臣查

城中夜禁甚寬柵欄甚少上元縣所管地方內有
城北一帶曠空之處人家三五零星居住且多竹
園樹林最易藏匿偷竊之人臣今選屬員中明白
者令其逐一細查城中有街道極多而柵欄極少
者俾加添柵欄其現在街道已有柵欄而朽壞者
俱令修整堅固至於城北一帶空曠之處旣難安
設柵欄擇其要路總口添設堆卡建蓋汛房一十
七處每處安兵五名其舊有一汛僅設一兵之處
俱令添增共添兵丁塘房及添加柵欄五百餘處
計需銀五百餘兩臣於上江耗羨存備修理省城

銀內動給修理其添增堆卡兵丁臣查向來城守營將備所定跟役字識之數過多臣再加細酌取令敷用之外勻出兵丁一百餘名添入新添堆卡及加添一堆一兵令其巡查地方臣又酌量時候每夜升放號礮聞礮之後柵欄齊閉違禁行走者卽行拏懲仍不時委員明查暗緝以嚴偷竊再城中之地保甲頗屬難行臣現派各員協幫兩縣查行但嚴盜緝不令煩碎俾易遵行現在編查所有料理城內情節臣謹繕摺奏正奉聖旨該部知道欽此

聞謹

奏獎發而千味辭讓因之競皆傳辭共榮雖疑當與
好此舉殊屬是當之極省會之地理應如是嚴密者

同日又得咨開千式需索百車計難無疑臣等
奏爲奏書卦卦不敷計難之附臣等因置良事收而

聞事竊照江南戰船修造一事臣到任檢查卷案雖木
值之價較閩省稍貴而江省協貼銀兩較閩頗多
實力辦理不係極難之事無如各員辦理遲緩疲
玩成風文員一經委辦始則設法堅辭繼則借端
推卸而上司亦此委修船彼差他事隨委隨換屢
易其人以至僅一料估卽經年累月造報不前現

在各船無一不遲而動手起工竟無時日及至動
工其船久停廠地雨淋日曬小修者竟須大修大
修者竟須拆造矣因而修造各員遂紛紛求增協
貼曉曉無已領銀到手又不親住廠地身自辦理
每多假手於人恣其中飽遂致物力不敷自貽貽
問事墊措借不來愈致遲久此文員貽誤之大畧也武
員則往往不遵協辦之例巧於躲閃置身事外而
其中不肖者則千方需索百事措難無銀到手雖
好物美材槩謂單薄有銀到手則薄板稀釘一任
裝造而千把捕舵因之競皆勒措共索銀錢當船

應駕廠之時則換舵換纜以舊易新及至造成駕回之時又任擱沙灘並不照管以致船隻不到年限而損壞已甚文員正修之外賠累更多此武員貽誤之大畧也各習不除船工終難妥協臣現在徹底嚴查飭行藩司會同承修各道將一切痼弊細加查議速詳應禁懲者禁懲應調劑者調劑并飭此後派定修船之員必令一手修理到底不許各員推卸亦不許該司詳換違者查叅即使本員或有事故一經領銀亦必責令修完不許另替以杜巧脫之弊以挽推卸之風并令一經派定一員

承造承修卽行詳明各上司衙門記冊不必另派
差使俾不得藉口推脫總期於料理數月半年之
內必令戰船修造副期齊全妥協臣心始安所有
現在江省船工情節臣謹繕摺奏

聞謹

奏

如是辦理深中肯綮朕嘉悅覽焉

雍正九年四月十五日兩江總督臣高其倬謹具

奏爲奏

聞事竊照江省邳宿各州縣偶被水災仰蒙

皇上蠲賦蠲漕

特命大臣親查令督撫會同賑糶并給與室廬之費又

於已給兩月口糧之外再加一月之糧復蒙

皇上逾格洪恩命動鹽義倉穀二十萬石加賑三十日

又荷逾格

洪恩令酌用浙江運來之米及本省米穀再加賑四十

日如有不敷

命酌截漕船尾幫接濟給賑

聖恩廣厚從古未有各處百姓感戴

皇仁懇切肫誠求爲轉達臣已恭疏具

皇題所有應需米石計商留浙米外尚有不敷撫臣尹
聖恩繼善與臣商酌稍爲寬餘計算請留漕船尾幫米
命酒一十五萬石分運各處現在另疏具

題其各處賑濟臣與撫臣尹繼善侍郎臣彭維新御

史臣安修德分派道府大員及委各文武員弁協
同地方官分頭確實詳查上緊辦理至於平糶米
穀亦令酌宜開糶以平米價今各處糧米已陸續
運到各處賑務已次第舉行各處平糶亦俱隨宜
開糶撫臣尹繼善又酌動鹽項規禮銀三萬兩飭
行各屬確查種稻乏種之民借給接濟目下糶賑

兼行米價漸減二麥抽穗收成可期地方人民情形安帖至於江都泰州之邵伯近場一帶地方經臣前各撥鹽義倉米二千石撫臣尹繼善經動銀各五百兩接濟給賑一面具

奏仰荷

聖恩允准欽遵在案今據泰州并江都縣報稱所撥銀米尚在不敷臣又與撫臣各酌量添撥泰州本處存倉穀五千三百七十餘石江都縣本處存倉穀七千一百九十餘石相應一併奏

聞此現在下江賑糶之情節也至上江上年被水各屬

其情形輕於下江已蒙

皇上恩免錢糧又加給賑三箇月之

恩已可接濟臣到任後嚴查飛催各州縣上緊辦給又
委員督率料理今各處皆已賑竣內有靈璧一縣
該署縣吳之綱匿災不報現有乏食之民未經給
賑臣專差往查經撫臣程元章已具疏

題叅臣一面飛酌米穀運往賑濟除就近撥穀三千
二百二十石敷賑半月口糧外臣又飛檄飭動藩
庫銀一千六百六十六兩零折給半月之糧現在
散給可以接濟至五月麥熟之期再鳳陽懷遠虹

縣泗州盱眙五河各州縣雖經散賑但當青黃不
接米價稍昂臣准撫臣程元章咨尚需米穀平糶
接濟臣查鳳陽各屬存貯穀石本不甚多又經散
賑用去之後現在所存無幾而隣近之州縣亦無
可撥運之處臣再四籌思現在下江淮揚一帶各
項米穀頗屬有餘可以變通暫借隨飛檄江安糧
道劉永鏞就近不拘何項之米卽借撥一萬石運
往鳳陽各縣交地方官接濟平糶一面檄令署江
寧藩司劉枬將存省倉米撥運八千五百石糧道
倉穀碾米一千五百石共一萬石委張勤望率員

押運至淮揚還項今據劉永鎮報稱撥借高郵寶應山陽三處應截漕米共一萬石已令運往其張勤望等所運之米今亦業已開行至於上江現今通省除發賑外合計存倉穀石各處共二十六萬五千一百餘石爲數旣少而鳳陽一府屬及亳泗等州倉穀顆粒無存應行急籌設法積貯再下江邳宿各州縣亦有全無倉貯之處應籌將別府屬多貯之穀勻往運貯以爲儲備臣現在細籌俟會商兩撫臣酌量妥協容臣再行會同需米陳平

奏請

旨謹一併奏駐榮姚之事密令各職大興
聞謹天恩備大學士公愚爾寶

奏

但行救荒實政毋存沽譽私懷冀蒙

天心鑒照自默有轉移如或不然徒矜施設之多方妄以
人力爲可恃倘至力不能爲時則將如之何朕此諭旨
令兩撫臣及藩臬二司知之凡迎合上意猶目之爲愷
壬小人若一味曲徇下情試思更爲何如人耶但當循
規據理而爲之無須言及小民之感與怨夫旣聞感而
喜生則必因怨而怒發斯乃庸人之常情豈爲達者之

硃批諭旨

四

奏

高其倬

高識總以驀直行去一切盡屬不妨假若弄巧成拙終
歸無濟也誌之

王小同日又和曲所不計為愚更為可笑人耶臣當辭
令奏為恭謝

天恩并陳愚悃事竊臣因聞逆賊噶爾丹側凌遣其賊
眾冒死犯我西路卡倫偷竊馬駝臣不勝忿恨將
臣犬馬愚忱冒昧繕摺具

奏乃荷

皇上天恩諭大學士公馬爾賽等將

皇上近日辦理築城之事寄令臣畧知大槩併

諭令囑臣秘密不可令一人知之大學士公馬爾賽等
欽遵敬錄

上諭二道寄臣臣謹望

闕叩頭恭謝

天恩跪讀之下仰見我

皇上睿照如神無遠不燭蓋準噶爾逆賊不過恃其地
稍遠我師進剿難以久住及恃其偷竊馬駝之伎
倆此次冒死來犯亦以爲竊去馬駝我師不能深
入此正畏我師之深入進剿一則其力不能排兵
對壘再則我師壓境其下威脅之衆必有攜離瓦

解之勢是以爲此冒死先發之計此種情形俱已
悉在我

皇上照臨之中築城以扼其吭漸進以蹙其勢出遊兵
以取其人畜廣屯田以裕我軍糧使賊勢日促賊
衆日離然後搗其巢穴殄此遊魂此誠萬全之道
必勝之方臣不勝欽仰欣慰在臣犬馬愚昧之衷
因

皇上築城之

聖諭思及立壕一節兩面陡峭人馬難越亦可以制賊
人之偷竊我大兵駐劄及緊要之處旣已築城其

間或有應分布駐兵牧馬之處若築城不能遍及
可否創立壕塹如有事之時黑夜之際將馬駝牛
羊趕入壕內平地置放我兵易於防範賊人難以
偷竊其事速於築城或築城之前先立壕以制敵
衆然後從容築城似亦可行總之臣知識庸短所
見無當但臣既有愚忱不敢不以具

奏伏乞

睿鑒謹

奏

掘壕固屬防禦之一策但係行軍規則人人皆知者

硃批諭旨

四

奏

高其倬

雍正九年六月初二日兩江總督臣高其倬謹

奏爲奏

聞事竊照地方設官必酌量其情形與之相宜始可期
其有辦理之益臣查上江亳州一帶地方插入河
南在兩省交界去江寧安慶督撫駐劄之處皆有
千里卽其本管之鳳陽道亦相離五百餘里境當
南北水陸之衝行販輻輳人衆龐雜盜案竊案極
多地棍衙蠹亦衆民間積習好鬪健訟私鑄私梟
曾經犯案亟須加意整頓臣雖現在查訪結會打
架之光棍及窩倡之豪蠹面諭該州拏獲究懲但

設官之處尚應籌酌查從前曾經鳳四縣爲西南
題請將亳州改爲直隸州亦從調劑地方起見今臣
細察覺仍有未協蓋改爲直隸州於所屬之蒙城
太和二縣固添一就近之知州管轄而在亳州轉
少鳳陽府知府一層之稽察且亳州改爲直隸知
州體同知府而於本州之錢糧命盜各件仍照州
縣一例辦理亳州幅員甚濶命盜極繁一經具報
卽須知州親往驗看往返動卽兩三日之程一月
之中約計看驗之時居半及至回署錢糧又已半
月未徵復須上緊料理其精神工夫未免有不暇

總攝照管之處臣愚昧之見應將亳州改爲府治
設知府一員糧鹽捕同知一員仍令稽察私鑄再
設附郭知縣一員專管本地之事所有原管之蒙
太二縣仍令該府管轄其潁州一處亦將直隸州
仍改爲州并所屬之潁上一縣併歸該府管轄惟
潁州所屬之霍邱一縣相離稍遠應仍歸就近之
鳳陽府管轄如此則各州縣一切事務既有親切
專司之州縣各自料理又加就近統攝之知府同
臣稽察管辦臣等再加意督率悉力料理庶於地
方可期整頓之效再下江徐州亦屬四縣爲江南

門戶界接三省地方遼濶盜竊亦多亦應照此改
爲府治并設附郭一縣方爲妥協臣近因會同秋
審與撫臣程元章尹繼善商酌亦以爲事屬應行
除所有改設料理之處俟臣另行詳細具

題請

旨外謹先將情節繕摺奏

聞謹

奏

具題到日有旨

同日又

硃批諭旨

四

辛

高其倬

奏爲奏

聞麥熟分數情形事竊查江南江西地方二麥刈穫已畢據三省布政司及各府州縣具報復加確查約計分數俱有九分八分以上收成係屬豐稔其上下江被水之州縣民食俱已接濟所有各府二麥收成細數臣另繕清摺恭呈

御覽再江南各府稻秧俱已栽插惟江寧府所屬揚州府所屬五月中旬稍旱高田之稻秧待水栽插於五月二十一二三四等日俱已獲雨高田之中栽插者已十分之六惟最高山坡之田尚未起水仍

須大雨若六月初十以內有雨栽插俱可無誤臣
謹將情節一併奏

聞謹

奏

覽奏知道了畿輔地方目下甚爲缺雨奈何

同日又

奏爲奏

聞事竊照鎮江將軍標京口水師副將蔡勇臣到江南
據該營遊擊辛開元稟稱該副將操守平常管兵
寬鬆臣近經細察所稟俱屬不虛將軍臣王鈺屢

經嚴飭臣不敢以隔標之員岐視現一面寄明將
軍一面飛調蔡勇到江寧臣詳細面加嚴行申飭
懇切開導再俟兩三月看其能改與否臣看蔡勇
質地愚下難望其徹底全換但能知斂飭勉強改
悔則現在江南水師各員俱水務平常船工不諳
甚少熟練之員卽仰懇

天恩留之江南尚可以指教水師員弁幫看料理各處
船工若兩三月之內仍無悛勉臣卽協同將軍臣
王鈺會叅所有情節臣謹繕摺奏

聞謹

奏

所奏是蔡勇原係極微賤人但在水師中乃出色技藝
若操守平常怙終不悛當傳朕旨嚴訊伊云前於引見
時皇上經如何訓諭汝曾如何奏對豈皆遺忘再不痛
改貪罪尚屬輕微欺君違旨之罪汝何可當以此等語
誠飭之觀其後效

雍正九年八月二十日兩江總督署理雲貴廣西

總督印務臣高其倬謹

奏爲奏懇

天恩事竊臣有長子高恪次子高原向隨任所臣於本

硃批諭旨

四

圭

高其倬

天恩年七月間俱令回旗正在起行適臣仰蒙

天恩令臣署理雲貴廣西總督印務臣之家口現在留

住江南省城所有家人需人約束臣謹仰懇

天恩欲將臣次子高愿暫留江南約束家人照管眷口

臣長子高恪卽令回旗臣謹繕摺

奏懇伏乞

睿鑒謹

奏

將汝二子俱准留任所料理家務不必令其歸旗

雍正九年十一月初十日兩江總督署理雲貴廣

聞西總督印務臣高其倬謹

奏爲奏

聞事竊臣仰荷

聖恩令臣署理雲貴廣西總督印務赴京

陛見仰覲

天顏臣自跪聆

聖訓之後馳驛赴滇於十月十九日到雲南省城所有

三省一切事務地方情形屬員賢否臣俱謹遵

訓旨詳問督臣鄂爾泰鄂爾泰皆一一向臣詳言臣謹

一一切記臣惟有敬遵

凡人未有真心奮勉而才力不逮之理鄂爾泰非有奇
聖訓恪守成規雖才有不逮而心不肯不勉凡宅衷定
術異能不遇公與誠而已惟公則不私誠則無偽遂爲
常人之所學鄂爾泰之公誠臨事決機臣學鄂爾泰之
果決一切地方事務盡臣心力辦理其鄂爾泰業
爲表率大吏如不能感服各屬令人人砥礪奮興則何
以濟事耶倘不推求根本而惟形象是務欲以施設作
用感服衆志或恐未能據云臨事學其果決斯言誤矣
中庸謂誠則明荀子言公生明非公非誠何以能明假
朝廷教法冀不負貴賈西獻習中
若臨事接物胸無真知灼見豈可率意鹵莽強爲果決
聖主諄諄教誨之至意稍罄臣犬馬之寸心臣謹將愚
乎如是之果決尚不若優柔之爲愈矣所施一有不當
惴惴摺奏
其害可勝言哉此論朕深不取
聞謹

聖奏
公誠二字勉之勉之

同日又

奏爲仰懇

聖恩賞簡賢員事竊查臬司爲刑名總匯貴州苗獮風
習不純案件居多明刑弼教示以理法全賴方正
之員平允辦理今調任之按察使張體義現已到
任其通揭之案臣查看稿卷審屬全虛以此觀之
存心不正令司風憲有損無補雖

題疏到日自有處分但查審案件俟部議覆未免少

硃批諭旨

四

吉

高其倬

遲時日伏乞
皇上准卽簡賞賢員實於地方有益臣謹繕摺具

奏仰祈

睿鑒謹

奏

有旨諭部矣

同日又

奏爲奏

聞事竊臣欽奉

聖諭鄂爾泰眷屬在滇令臣仍將雲貴廣西總督衙門

養廉之項支給以爲用度務使富足寬裕其有餘者
付臣以爲衙門之用其不敷之處著將江南總督衙
門養廉之項補足欽此欽遵臣到雲南卽將留給養
廉之

旨向鄂爾泰傳知鄂爾泰云亦奉有

聖諭因言伊之眷屬在滇每月只需二三百金卽敷用
度一年只需留給二三千金臣與藩司葛森鹽驛
道張無咎云令將養廉之項一年存送一萬五千
兩鄂爾泰向司道云此數過多斷不肯留臣亦不
肯依往復再四強而後可鄂爾泰定以一年留存

一萬兩且云此已寬裕之至臣再向說必不能強
只得暫令司道且照此按季預行支給臣愚昧之
見酌量鄂爾泰眷屬在滇之用度應每月支給銀
一千兩一年應一萬二千兩始稍寬裕但臣竟不
能相強伏乞

皇上面諭鄂爾泰寄信回滇臣照所酌定之數支給庶
其眷屬始肯收存用度至臣衙門之用謹仰懇

聖恩請動支江南總督衙門之項一萬兩以五千兩留
爲臣眷屬用度以五千兩補雲省臣衙門之用再
江南總督衙門養廉共二萬二千兩臣動支一萬

兩尹繼善衙門之用稍屬不敷臣前奉

聖諭令臣

奏明

皇上另酌令撥給臣謹將情由

奏明伏乞

睿鑒謹

奏

鄂爾泰到京據奏家口薪水之資萬金委屬過多每月以五百金計之一年六千金儘敷用度云云則是爾滇省養廉復增此四千矣所少千金可否取之江南在汝

殊批諭旨

四

庚

高其倬

酌定至於尹繼善之養廉其足與否伊自另議請旨

同日又

奏爲奏

聞事竊查雲南省駐劄又木多兵丁一千名奉

旨令其進藏再於雲南省調兵一千令作速起程前赴

又木多駐劄欽此欽遵經總督臣鄂爾泰遵

旨派調料理令原帶官兵前往又木多駐劄之原任提

督張耀祖及廣羅協副將馮鸞卽帶原領之兵一

千名進藏另又於各標鎮協營挑選兵丁一千名

令劍川協副將姚起龍統領俱赴劍川州取齊前

往又木多駐劄所有一切口糧鹽菜騎馱馬匹及
賞給官兵銀兩俱逐一分析料理其進藏官兵糧
餉委寧州知州王敦辦理續駐又木多之官兵糧
餉委呈貢縣知縣殷良棟辦理又委開化鎮右營
遊擊段福押解餉銀七萬兩以備進藏官兵支給
至臺站事務總委維西營叅將劉瑛管辦俱經具
疏

題明在案臣到雲南接據叅將劉瑛稟稱據駐劄梅
里樹管理臺站外委把總毛詩咏稟稱有黃草坪
雙井箐底三臺因連日大雪至九月二十日將山

谷路逕封阻雪深數丈有軍前發回文書俱在箐底停積不能遞送其內地各處發往軍前公文自九月二十八日至十月初四日計六十餘件現俱停積不能前進等語臣恐大雪封山原任提督張耀祖等不能接到部文及督臣鄂爾泰所行之文有誤前進雖分頭飛卽移行并遣員馳令辦理各員上緊料理或將雪路開通或另尋別道繞過雪山作速飛送務令必到外續於十一月初二日接到張耀祖來文內稱於本年十月初四日行至奔打地方接到部文及四川總督黃廷桂咨文卽遵

旨帶領官兵進藏但查奔打至又木多計程六日若由
又木多進藏未免繞道今暫住奔打檄行總理糧
務寧州知州王敦將漢土官兵一應馬匹衣裝口
糧等項遵

旨寬裕應付妥備并行總理臺站叅將劉瑛添安臺站
外卽由瓦河洛龍宗進藏相應咨明等因臣隨卽
再行檄飭知州王敦速將口糧馬匹各項上緊備
辦齊肅應付官兵進藏毋少遲緩又一面飛檄叅
將劉瑛詳查程途之遠近居人之稀稠酌量情形
或由瓦河安站或仍由又木多安站務期妥速料

理所用臺兵先於副將姚起龍所帶兵丁內抽出數十名先令安站俟遊擊段福解餉兵丁回時令留數十名替換安臺姚起龍所帶之兵仍令歸入一千名內在叉木多駐防并檄姚起龍殷良棟段福速行前進外所有各情由臣謹繕摺奏

聞謹

奏

覽奏俱悉另有諭旨矣

雍正九年十二月十五日兩江總督署理雲貴廣

西總督印務臣高其倬謹

奏爲奏

十年二月二十日兩江總督署駐雲貴廣西

聞事竊照雲貴廣西地方所有不法之苗猺夷疆等處

歷年以來經督臣鄂爾泰勦撫兼施次第底定惟

在善守其辦定之規勿紊其已成之緒綏定調劑

期於久安乃臣今日之責臣雖才地駑下蒙

皇上教訓有年必期竭此淺陋之見少報

高厚之恩剛果以濟微臣之寬和勤細以察苗猺之情

節爲之辦理俾其寧謐而目下第一最先之要務

在於新疆文武得人各處政事公當臣惟有竭盡

心力稽察文武之賢否嚴禁兵役之苛累不敢以

各處已寧少有忽畧所有次第辦理之處臣隨地
隨事另行具奏

奏外現在臣接辦以來各處夷人當督臣鄂爾泰勦
高軍撫辦理之後俱各安靜恐仰厪

聖懷臣謹繕摺奏

聞謹

奏王善守其辦安之財於案其弓刃之辭辭安暗賸
但勉法鄂爾泰之公誠爲要根本處若能操持牢固枝
葉邊焉有違謬之理勉之勉之

奏雍正十年二月二十日兩江總督署理雲貴廣西

總督印務臣高其倬謹

奏爲奏

聞事竊照雲南省地方民間春田多種蠶豆二麥民人
以爲一季農食其重亞於稻田臣查雲省各處上
冬多有雨雪今年自正二月以來雨水調勻現今
蠶豆業將成熟有十分收成大麥現已吐穗小麥
暢茂俱可望十分有收廣西省二麥苗俱秀茂貴
州省地皆山田種麥者少合併陳明所有豆麥情
形臣謹繕摺奏

聞謹

硃批諭旨

四

今

高其倬

奏

以手加額覽焉

同日又

奏爲奏

聞事竊查昭通總兵徐成正人尚有才辦事向前但平素性情狹隘好是已非人每與同事文武不和近因昭通地方新到之兵多虐使夷戶經臣嚴行示禁撫臣張允隨亦行示禁在案總兵徐成正卽移咨撫臣謂毋信讒言其中悉偏執已見之詞臣查昭通兵丁虐使夷人事皆炳據豈可因未經自行

查管遂爾護短轉謂示禁者爲信讒實屬偏謬又昭通地方初定耕作者少兼之添兵及修城夫役頗多米價昂貴臣於上年十二月卽商同撫臣酌動庫銀委員赴川買米接濟業經

題報在案又撥運各附近米菽先行接濟總兵徐成正亦留心設法調劑此實是其好處乃伊因昭通尚有開銀廠及伐木之人未免耗米伊卽悉行趕逐張示嚴禁臣查昭通伐木之人乃自行買備川

斷無此理

省米石到昭食用並不費耗昭米其開銀廠之人雖不甚多果有耗米之虞事在應禁但係廠務民

事應言之臣等若臣等不行禁止伊再自行趕禁
始爲得理從前徐成正併無一字通知臣等卽行
趕禁事屬不合臣查徐成正雖尚屬有才且係臣
經保舉之人自得總兵之後日漸驕滿但其於昭
通情形尚屬諳悉於地方營伍亦尚留心臣愚昧
之見今且先爲嚴切申飭教誨若仍不知悛改臣
卽行叅交員缺以買米對商業經以經臣嚴行示

奏所有情節臣謹繕摺奏

聞謹

奏

徐成正人甚明敏才復幹練武員中之難得者其性情
狹隘是己非人驕滿之病容或有之然全材難覲謬誤
之失在所不免但當審察公私勗勉倭改絀其短而伸
其長第視策勵開導之誠與不誠耳朕觀伊氣質雖稍
偏駁而心力可用所以甚加賞識非因汝等薦舉而始
行拔擢也昭通伐木開廠之人果有耗米之虞先行逐
禁係爲地方起見乃可嘉而不可責惟其狹隘驕滿等
疵旣屬汝所節制汝可剴切訓誡以裁成之此外或與
地方兵民有不協處則又豈宜姑容而不予以叅劾至
時據實具奏以聞

同日又

奏爲奏

聞事雍正十年正月十九日臣接到部文雲南進藏兵丁暫駐達賴宗地方俟來年青草生時令領兵張耀祖仍帶回又木多駐劄候

旨其雲南續派之兵此時若未起程卽行停止或起程未遠亦卽各回營汛如已出口令在中甸等處暫住至明年二月間撤回等因臣查自又木多調赴西藏之官兵一千名經副將馮鸞領兵五百名於雍正九年十二月十六日抵達賴宗之邊壩駐劄

原任提督張耀祖領兵五百名於十二月二十九日亦抵達賴宗地方俱據咨稟在案其續派前赴又木多駐劄之兵丁一千名亦據副將姚起龍稟稱於雍正九年十二月二十七日已到又木多駐劄臣隨於正月二十二日當卽飛咨張耀祖將現所帶領暫駐達賴宗之漢土官兵一千餘員名於文到時卽行率領帶回又木多地方駐劄所有劄川協副將姚起龍所帶之續往駐劄又木多官兵一千餘員名俟張耀祖所帶官兵到又木多之日卽行撤回但臣查原隨張耀祖帶兵之副將馮鸞

從前帶兵前進之時既多不和且每有專擅之處
經臣屢行嚴飭今又據張耀祖稟揭副將馮鸞捏
造買騾文冊凌虐兵弁以及選留各營騾頭短發
價值包攬駝運米石多索腳價等款臣謹酌量將
馮鸞檄令卽同原帶續往又木多兵丁之游守帶
領撤回之兵回滇其張耀祖所揭之款俟馮鸞回
時查問明確臣再行

題奏臣將副將姚起龍卽留於又木多協同張耀祖
駐劄管理兼飭其悉心幫助其隨營糧餉各務檄
令寧州知州王敦仍行辦理其撤回之官兵糧餉

等務令呈貢縣知縣殷良棟辦理并飭令將隨軍所帶折給口糧鹽菜銀兩除已經放給併爲現今支給回師等項之用外餘剩者交明王敦存貯又木多以備支放又飛檄遊擊段福將前解預備軍需銀七萬兩亦交王敦收存以備接濟所有暫駐達賴宗官兵撤回又木多駐劄及續駐又木多官兵撤回滇省各日期俟稟報到日容臣另疏題報外臣謹將檄撤辦理緣由繕摺奏

聞謹

奏

馮鸞係聰明人才具甚有可觀乃記名一等之員如果揭款是實則亦無足惜矣但張耀祖非操守清廉秉公服衆之人既與之先有不和所揭之款其中或有他故亦未可知總俟馮鸞回滇後查問的確再行據實奏聞此外各情節俱悉惟馮鸞一案須加意察審爲要

雍正十年三月十二日兩江總督署理雲貴廣西

總督印務臣高其倬謹

奏恭請

皇上聖安

朕躬甚安近日較之未病以前更覺健旺

雍正十年六月十六日兩江總督署理雲貴廣西
總督印務臣高其倬謹

奏爲奏

聞事雍正十年閏五月二十二日臣據護普洱鎮副將
李宗膺等稟稱思茅地方有苦葱前往蠻壩河拜
一緬僧稱之爲神仙遊擊朱仲玉已遣守備燕鳴
春帶兵前往巡查以防不法臣卽諭令上緊悉心
查訪究拏續於六月初三日據遊擊朱仲玉稟稱
閏五月初八日燕鳴春報據思茅土千總刀輔國
稟稱閏五月初二日土弁查得思屬蠻壩河蝙蝠

洞離思城二百餘里竟有苦葱聚衆在彼朝賀神
仙土弁隨差人查至蠻壩河猛板坡頭果有五家
苦葱其往洞朝賀者有百十餘人諭令伊等速散
毋得在彼惑衆詎料苦葱不惟不遵且聲言就要
殺到思茅壩來等語轉報卑職當卽遣發守備燕
鳴春帶領兵弁礮位於初八日夜出普洱城前赴
思茅隨於初十日據燕鳴春稟稱初九日早晨官
兵下畢班鳩坡後有押火藥之兵十五名纔下至
半坡不意箐中一群苦葱突出執弩放箭打死兵
丁二名我兵亦鎗傷苦葱五名衆兵極力追趕苦

葱滾箐逃散職等於初九日已刻抵思茅城卽於是夜商同通判朱繡帶兵一百名躡蹤尾跟至柏樹枝天已黎明見賊伏箐中卽令兵丁齊放鎗礮賊衆中傷俱滾箐潛逃目今正在商酌遣兵直撲蠻壩猛坡巢穴等情十三日又據燕鳴春稟稱卑職於十一日多遣兵練遊巡探路帶遞公文行至坡頭忽有苦葱數十截路放箭探得各路均皆阻截再查苦葱嘯聚之處卽係刀興國同伊堂弟刀三所住地方苦葱卽係刀興國項下之人又探得苦葱遍傳木刻勾通茶山江壩威鎮等處黨類起

事等情二十三日又據燕鳴春稟稱初十日舉職
會同朱繡發曉諭牌差鄉保胡尚聞陳璋刀聯捷
等前往猛板招安十五日據刀聯捷回稱小的等
行至半路那庫落地方卽被刀輔國胞弟土把總
刀興國等帶領苦葱猓猓夷各執標弩在彼阻
路說招安要土千總刀輔國出去方肯同到城裡
只教小的與先歪兩人來回話胡尚聞等留在那
裡作當等語卑職同朱繡商酌賊之詭計欲將刀
輔國誑出一齊作亂刀輔國禁於城中斷難放其
出城此則倡首作祟之實情十六日賊箭傷死漫

板湖廣客人五名燒蠻間民房二間於辰刻報到
卑職等於巳刻發弁兵至漫板蠻間山後鎗傷賊
二名正奮追間忽經大雨賊奔箐散於十七日巳
刻四山賊有千餘四面圍城直攻南門卑職督令
把總劉雄才開門迎敵鎗礮打死逆賊十三名我
兵全無傷損十八日賊又來圍攻西門放礮打死
賊三名拏獲刀輔國送信家人阿林訊供刀興國
等帶衆賊盤踞輔國家內與國口稱要做王爺四
山一處埋伏五六十人要攻北門等語理合具稟
俯賜請兵剿除叛賊等情據此合將逆賊始末情

形備悉稟報同日又據駐劄思茅通判朱繡稟同
前由到臣查普洱鎮地方遼濶汎廣兵單難以
調勦卽飛調內地迤東臨安鎮官兵六百名土兵
二百名又元江新習三營兵丁各一百五十名令
副將李宗膺遊擊王先韓雯鵬等分行帶領由元
江一路前進攻勦又調景蒙營官兵一百名由鎮
沅威遠前赴普洱會勦但思普洱思茅夷人作亂
其勢必勾結九龍江橄欖壩一帶夷人一時煽動
所調官兵必得大員總統調度臣又派撥督撫兩
標官兵四百名開化鎮兵二百名委令臨元鎮總

兵官董芳管轄併總統各處所調官兵由元江前進相機策應撲剿又移咨雲南提臣蔡成貴再派撥迤西官兵數百名由景東一路直抵普洱思茅協剿兼顧鎮沅威遠到普之時亦統聽該總兵董芳節制調遣但各處兵丁一時不能卽到令總兵董芳先帶所派督撫兩標官兵四百名於六月初九日卽自省起程到元之時則臨安新習之兵自已齊到卽先行帶領進剿續於六月初十等日據元江府知府祝宏遊擊李定海疊稟閏五月三十日據普洱鎮把總陳天申飛報二十八日有通關

大寨獍夷被苦葱勾通聚衆附和屯於通關廟邊
箐內每人頭帶樹葉一枝爲號把邊塘房盡行燒
了塘兵三人業已奔汛把總汛內兵少請速發兵
急救等情卑職等卽於六月初一日委守備馬漢
勛帶把總康天錫官兵一百五十名土練一百名
馳赴他郎分頭接應去後乃苦葱煽動通關哨擺
夷已過阿墨江於六月初三日至他郎分爲三股
每路約有四五百人守備馬漢勛率領官兵土練
奮勇殺賊鎗礮打死賊人甚多賊衆敗退我兵無
損賊敗之後仍聚四山喊聲不絕而元江所屬之

善政德化惠遠定南四里夷民亦有被迫煽惑附從者夷賊添聚二千有餘於初四日復來攻營把總康天錫率領兵練奮勇殺賊乘勝深入守備馬漢勛令千總黃有仁帶兵接應而黃有仁遇賊卽行退回以致康天錫陷陣身死又陣亡兵丁六人該弁又勸守備馬漢勛退走馬漢勛叱斥不從及至初六日賊人圍住守備馬漢勛行營正與賊對敵之際黃有仁忽若瘋狂用刀自砍跼牆之兵衝入賊營致兵驚散賊人乘勢衝入馬漢勛隨身兵單不能固守退至莫浪地方隨遣新習已到之兵

軍一百名并土弁施糯利等帶領土練五百餘名星
飛前進他郎勦殺逆賊已將賊殺退二次賊仍退
回他郎等情臣卽差員催令由元江一路領兵官
立即統兵前進勦殺他郎一帶賊人開通道路又
卽照會總兵董芳令一面督率各員速行前進勦
賊一面申明賞罰將把總康天錫及兵丁六人卽
以軍中牲酒親祭并以臣所發銀兩賞其家口仍
給與其子弟名糧諭以俟事竣具
題請獎其元江文武所稟千總黃有仁之處果確卽

請該鎮

王命用軍法在軍營前斬首示衆以作士氣卽統現到之兵攻進臣思賊人退回他郎必不敢向元江城定分一股向新平縣一路山僻之路鼓脅夷人隨又派督撫標兵四百人令守備李國柱等帶領飛赴新平策應臣又思思普二處旣已有賊衆而攸樂一帶竝無稟報其相近之九龍江橄欖壩等處地大夷衆從前攻勦經用兵六千餘名此時應再增撥官兵兩路竝進則勦平方速隨又酌調曲尋鎮官兵四百名開化鎮廣羅協武定營官兵各二百名奇兵營官兵二百五十名尋霑營官兵五十

名又督撫標兵二百名武定府土練二百名共計
迤東官兵三千二百名土兵四百名俱由元江一
路聽總兵董芳總統調遣進剿又飛咨雲南提臣
蔡成貴再添撥迤西官兵合二千名選勇幹之員
帶領由景東一路前進兼顧鎮威直入普境以剿
逆賊到普會合之時仍令總兵董芳一併總統調
度六月十一日接准提臣蔡成貴於未接臣咨之
先咨開六月初七日據普洱鎮中軍遊擊朱仲玉
稟稱閏五月二十七日據燕鳴春稟稱閏五月十
王命七八兩日賊衆攻城卑職分布兵丁站牆擊石竝

遣弁兵開門迎敵賊始敗遁今賊盤踞刀輔國樓
上至於攸樂茶山一路卑職於十一日卽行飛調
兵丁會商堵截機宜乃竟半月亦無音信茲會商
通判朱繡夜募鄉道一名同攸樂管隊陳守由間
道往通文書行知守備李萬鵬嚴截各處要隘并
吩咐宣慰各猛土千把嚴堵賊首奔逃路逕去訖
等語同日又據該備稟稱閏五月二十五日賊衆
千餘圍攻思茅四門卑職商同通判朱繡分遣兵
弁迎敵奮勇攻殺賊衆受傷四竄我兵難於分布
追擒卽撤回城等情據此隨酌撥提標官兵五百

名令遊擊陳上志帶領又撥楚姚鎮官兵二百名
景蒙營官兵一百名俱由景東一路前進普洱思
茅會勦等情移咨到臣六月十三日臣又據駐防
威遠普洱鎮左營遊擊張超威遠同知章元佐稟
報六月初一日據堵禦三圈汛外委千總王服曾
稟據寬黑村三先報稱孟連地方猛薩村查得有
銅廠客人奔至猛薩村云前日有九龍江悶坑莽
子擺夷造亂殺到銅廠將廠上客人橫殺大船俱
各搶去竝云親眼見白馬山百姓送梭標一根上
插雙羽至猛薩村報口稱九龍江叫我來傳知今

九龍江有四五千人馬分開三路一路殺募廼廠
一路殺上思茅一路過去殺威遠州等情據此卑
職等當卽增添兵練前往三圈猛薩元江一帶扣
鎖船隻責令外委王服曾加謹遊巡堵禦現存威
遠之兵除分遣之外存城不滿百人等情又據鎮
沅府知府高培呈稱鎮沅地方界連元普有普洱
逆賊侵入境內之石門坎又有元江把邊江挖黑
村小火頭王老四帶領夷人阿開等妄傳木箭勾
引沅民業經練總盤查拏獲現在汛供其王老四
已經脫逃鎮沅之兵亦僅數十名合就呈報各等

情臣卽飛行催令遊擊陳上志將提標官兵五百名楚姚景營官兵三百名一併統領由景東一路星飛前進如鎮威需兵勦擊卽行策應又准提臣蔡成貴咨又已撥提標兵二百名永順鎮兵三百名前往應援臣又飛咨提臣仍照前咨速統派迤西官兵合二千名星飛酌撥委員統領由景東一路前進援勦又差員持令箭赴元江一路督催各將備進兵攻勦他郎賊營不許一刻遲緩如違定按軍法從事飛行去訖嗣後俟續報攻勦情形另行奏

聞外謹先將情節奏

聞查臣受署理巖疆重任軍機匪賊之事尤臣專責不能治亂於未萌防患於未然上負

厚恩下慙職掌除臣現在悉力籌勦就臣愚昧之所料

度必卽克期勦平但臣不職之罪無以自逭伏乞

朕何顏敕部嚴治汝罪惟在汝於一切居心行事處撫皇上敕部嚴治臣罪以昭懲戒臣無任戰栗慙慙之至

庸自問而已

再普洱知府佟世廕身任普洱甚久平日漫無覺

察稟報又竝未奉委調借勘查元江城垣爲名忽

自行來省及有思茅緬僧惑衆之信閏五月二十

八日臣猶面傳詢問佟世廕回稱近日竝未再據

有稟報之情形六月初三日臣始據遊擊朱仲玉

等稟報卽星飛派調各處官兵前往攻剿乃聞有

不知

普洱府同知郭倫文稟會經開看有意壓捺未投耶

抑或

日已有稟到省爲佟世廕在省壓下未投之語臣

文飾

不勝駭異似此緊要賊情星急文稟早已到省又

何益

經臣面問乃佟世廕竟敢壓下不投八角印封銷

乎

歸何處是何情弊臣已檄詢佟世廕俟詢實叅究

外合并

奏明謹

奏

覽奏知道了

雍正十年六月二十八日兩江總督署理雲貴廣西總督印務臣高其倬謹

奏爲奏

聞事竊查雲南普洱府屬思茅土把總刀興國勾結苦
惹悖叛元江夷人亦被煽惑附和爲逆經臣將調
遣兩迤官兵由元江景東兩路進剿緣由已經繕
摺具

奏續於六月十九等日據普洱鎮遊擊朱仲玉護普
洱鎮總兵印務副將李宗膺鎮沅府知府高培提

臣蔡成貴總兵董芳等咨稟逆賊形勢暨調遣兵
練各情節到臣臣俱一面飛行指示機宜一面查
有廣西慶遠協副將顧繩祖因候送引

見到滇該副將前曾久任元江熟習情形人亦明白隨
委顧繩祖爲副總統卽於六月二十一日令其自
省起程飛往元江帶兵援剿去後嗣於六月二十
五二十八等日據副將李宗膺遊擊王先叅將吳
朝應等將各路官兵進剿殺賊等情稟報前來臣
查現今賊人情形雖普思元江夷人被脅相隨者
頗衆但一見官兵雖尚吶喊鳴鎗若拒敵之勢及

至官兵一衝卽行奔竄惟於山窄樹密之處潛伏拒抗迤東由元江進剿之兵臣已檄令叅將周儀帶兵千餘專剿元江之賊而令副將顧繩祖李宗膺帶兵直進奮勇攻剿自他郎前到普洱計程不滿三百里再算過渡工夫不過十日之內必到普洱則普洱之賊必走思茅之圍亦必相因而解其元江之賊一面攻剿一面曉諭二十餘日之內可以大段清除此迤東進兵之情勢至迤西所調之兵計六月二十以內有七百名可到威遠及恩樂一帶地方其餘官兵亦陸續而進此二處地方威

遠去普洱有二百里恩樂有三百餘里攻勦而前約計十日之內可到普洱以其行走日期計算則迤西之兵到普在迤東官兵之前以臣愚昧若援兵一到則普洱思茅之賊七月初旬必破其圍必解但其稟報到省尚須十有餘日計其日期不過七月中旬之末普思之捷音必至矣至普思之圍解後方能知攸樂確信若九龍江橄欖壩一帶爲所煽動則勦平又少需時日若九龍江橄欖壩未經煽動則勦平更可速竣惟是賊人一敗恐賊首必逃竄於山箐瘴地或走向外域則搜擒不免需

時臣已與提臣蔡成貴再三指示各領兵之員令
其一到普思攻賊必先預籌其走路勿令兔脫此
現今攻剿之情形臣一併謹繕摺奏

聞伏祈

睿鑒謹

奏

兩路進兵情勢據奏已悉業既興師動衆不可草草完
結務須徹底清理爲一勞永逸之計方是

雍正十年八月初三日兩江總督署理雲貴廣西

總督印務臣高其倬謹

奏爲奏

聞事竊查刀興國等悖叛及元江四里夷民附和爲匪官兵分路進剿所有進攻剿捕情形臣已節次繕摺具

奏續據元江府知府祝宏稟報有雲南貴州廣西等省酌量委署試用之章倫經差往協修攸樂城工不知夷人謀叛回至思茅相近之慢蚌村村夷突然變亂章倫正坐罵賊被殺而死等情到臣理合先行繕摺奏

聞容臣查確再爲具

題懇

恩施獎茲於七月二十九日據總兵董芳稟報帶兵於七月初十日自把邊江前進中途竝無賊人對敵惟將沿途山逕窄狹之處俱用木石塞斷隨令兵練開路而進於十二日已到普洱副將李宗膺帶兵亦於是日到普守備鄧之姜雲於初十日帶兵亦經到普普洱及思茅城池俱皆全固賊人退遁往猛先回竜一帶聞攸樂未有變動其九龍江橄欖壩之夷人全未隨賊現皆安居各茶山亦未叛逆刀興國之兄刀定國聞在彼觀望亦未從賊但

雖聞如此而攸樂營員竝無確信到來現於七月十四日令副將李宗膺遊擊王先陳上志等分帶官兵一千五百餘員名起身直進攸樂相機料理將九龍江橄欖壩茶山一帶未從賊之處安撫將漫蚌等村殺害章倫之處痛加懲創以先斷賊人後路其猛先回竜一帶爲賊潛藏之處今分派遊擊韓雯鵬等帶兵由問南水箐前往猛先派遊擊區明等帶兵由磨黑前往猛先於七月十七日起身各分頭攻勦限於二十日在猛先會合前赴整岡再分兵圍攻回竜賊巢擒拏賊首殲滅賊衆又

令守備燕鳴春酌帶兵練至倚象猛茄一帶令土把總召第帶土練至整董一帶堵截後路等語臣隨一一密示機宜行令總兵董芳悉心料理又提臣蔡成貴已於七月十七日到新撫地方不日亦卽到普臣并密寄俾其酌量指示各員辦理其元江一帶之餘賊相近新平恩樂一帶者臣前已遣令叅將周儀專剿茲於七月三十日據周儀稟報於七月十八日至漫竜江坡有賊人千餘沿江守渡連壘石城排柵遮蔽鎗礮卑職一面令人紮筏一面移行遊擊張瓚等帶領漢土官兵由谷麻渡

口鈔襲賊人之後卑職分派備弁兵練於二十四
日用鎗礮打破排柵賊人抵敵不住督令守備張
接天帶領官兵駕筏搶渡過江奮勇攻勦逆賊勢
窮力竭各棄器械叩頭乞饒查係定南善政二里
所屬上下漫竜等十四村寨夷人共九十八戶令
繳器械暫行交地方官查明分別安插懲處等語
臣隨飛飭恐此一帶之賊尚多仍行詳細查勦務
令淨盡不得遺漏又據遊擊張瓚等稟報於十九
日抵阿墨江細耶渡隔岸有賊拒敵隨令兵丁施
放鎗礮賊人退入土坑躲避高聲喊叫情願投順

現在分別勦撫等語臣查此一項賊人乃元普夾
界地方之賊皆躲聚於此今經搜勦其情形數日
內即可撲除此賊一清則元新一帶卽皆寧帖所
有各現在情形臣謹繕摺奏

聞謹

奏

若輩兇苗無故謀叛聚衆興戎以抗拒王師今計窮力
竭方始搖尾乞饒毫無可矜之處官兵旣已齊集當乘
勢攻勦以懲創之倘汝度德量力不能操必勝之權將
投順者亦宜審思作何移易之策不可仍令盤踞舊巢

復遺患於將來也切戒因循善柔致於疎縱

雍正十年九月初三日兩江總督署理雲貴廣西
總督印務臣高其倬謹

奏爲奏

聞事竊照普思刀興國等悖叛元江四里夷人附和爲
逆官兵進剿情形臣已節次具摺

奏明茲據總兵董芳提臣蔡成貴以及軍前副叅遊
守等稟報各路官兵攻殺援剿情形前來臣查賊
首刀興國已於那卡地方被遊擊區明拏獲刀興
國用刀抹頸傷輕不致傷命業經押解往普竝於

南指河拏獲刀興國之幼弟刀經國又於那弄箐
內拏獲刀興國之弟刀老五刀老六二名妻二口
子一名妹一口竝家人等共十三名其同謀之召
第及賊黨等尚未就獲臣隨飛咨提臣就近飭令
將備等上緊搜拏必使賊徒罄獲以盡根株其普
思元新之賊現已攻勦將竣理合繕摺奏

聞其善後事宜俟勦竣之日臣與撫臣張允隨提臣蔡
成貴悉心籌畫再行具

奏謹

奏

覽奏知道了善後事宜當再三詳慎爲之

奏同日又

奏爲奏悉

聞事竊查廣西思明土府各寨頭人目無土官不服拘
管土知府黃觀珠自知懦弱不能約束是以詳請
情願將洞郎等五十村寨請歸流官管轄司道總
兵等議詳前來臣商同廣西撫臣金鉷提臣張應
宗會同核議案人等共計三各其同籍之各
題請等語又與國之策臣朱正氏朱六二各妻二日
旨在案今於本年七月二十六日臣接據左江道閻純

璽稟稱據思明同知崔傑稟稱本月初三日思明
土府各村百姓聚集數百餘人執持器械圍繞土
府衙署聲稱土官聽信寵役黃瑞卿等審斷不公
竟衝入衙署抄洗一空捉出黃瑞卿亂刀砍死土
官夫婦逃出南街躲匿又復忽聚忽散聲言五十
村寨寧死不肯歸流續據太平府知府屠嘉正稟
稱土民不法緣由因土官庸弱有頭目譚道美鄭
可傳魚肉小民黃瑞卿潛與勾通以致村民聚衆
赴控土署適遇黃瑞卿遂擒住砍殺而各頭目不
樂歸流乘此土民轟鬧之時亦從中唆使聚散不

常等語本道現已遴差前赴探聽確實情形另行
飛報外合先稟明等情到臣據此臣隨卽密劄撫
臣金鉷提臣張應宗并左江鎮臣霍昇就近察實
確情速飭文武酌妥辦理倘須用兵亦卽酌撥前
往并密諭隣近各文武加謹防範去後嗣接提臣
張應宗咨已調左江鎮標官兵三百名遣發至太
平府聽副將施善元統領到彼彈壓又接撫臣金
鉷來劄亦已調本標兵二百名星飛前往駐防臣
隨會飭在案續接左江道鈔土忠州稟起釁緣由
前來據稟云卑職確查起事之由皆因官兄監生

黃高朗與姦目黃芳蘭周之賓等不肯歸流稱言
土府與黃瑞卿上省將他們管下各寨賣與流官
遂招集刀萆淩元隴盧各寨姦目星洪等分途傳
集土人約有萬餘於七月初三日進城操戈破街
燒燬羣房男女星散并搜獲黃瑞卿牽出照牆砍
死是日抄搶燒燬共一百餘家後於初十日同知
崔傑崇善縣馮瑚經歷田生玉千總李正會同送
土府回衙各寨土蠻又復鼓噪趕殺各官而各官
拚命奔逃姦目周之賓將土府接入家內居住不
許出門爲首者實係周之賓黃芳蘭勢力最大呼

應最靈黃芳蘭僅在家中鳴鐘三次各土兵立刻
卽至其餘又在其次又探聞得十八日各亂民要
到各村寨會齊如有不肯附和者勒罰銀兩凡官
兵一至必要齊赴救援勿效鄧橫被兵平服等語
臣細按種種不法情節必將首惡等懲創一番將
來方可寧帖度其情勢非曉諭可以了事官役可
以緝拏并非數百官兵可以剿擒者臣卽一面密
咨提臣張應宗酌量添兵遴選將備會同地方文
員壓境駐劄并檄令副將施善元相機而行如應
增兵飛卽就近呈報提督酌撥去後嗣接提臣張

應宗來劄與臣意見相同已酌定各路漢土官兵
共有二千七百名預爲設伏如敢猖獗卽行剿懲
今於九月初二日又接左江道稟稱土民初雖烏
合繼亦不無悔心自太平府知府新太協副將於
七月二十九日親至彼地將舊日頭目給牌委用
又於各土民切加開導并聞撫鎮兩標官兵將到
愈加畏懼八月十三日該府協摘取土官印信將
土官押送太平府城各村寨俱安靜無事男婦長
幼咸皆投具情願歸流遵依自後再敢不法願甘
剿除等情隨據太平府屠嘉正新署左江鎮施善

元稹同前由似可不必用兵但又據左江鎮標遊擊俞大勇稟稱各村土蠻目下雖各具遵依第野性難測既將黃瑞卿擅行砍殺種種不法豈不自曉今首惡竝不獻出見官兵源源臨彼揣其情意似非實肯斂息恐因秋成已屆口糧當收又慮村寨未固假以抒誠欲以暗築壕塙實難測料各寨環遶呼應相連安能保其無事等語臣細按各員稟報再三籌度土蠻如此不法必將爲首者懲處以儆將來方可久安必得官兵在境軍威彈壓方能使之聽諭遵令此時斷不可撤回且不可抽減

務令首惡悉出方可一面審究撫定辦結臣現將此意劄寄撫提二臣并行令兩司鎮道各員暨施善元屠嘉正崔傑照此辦理不許錯誤所有情節謹繕摺奏

聞伏惟

睿鑒謹

奏

覽所畫機宜俱是事關土蠻恃衆極須慎重辦理

雍正十年九月二十二日兩江總督署理雲貴廣

西總督印務臣高其倬謹

奏爲奏

聞事竊查普思元新夷賊勾結悖叛臣已將調兵分剿
情節節次繕摺具

奏茲普思搜剿賊首一路之兵前經遊擊區明已將
賊首刀興國及其子妻與其弟拏解續據區明報
稱刀興國在途傷發身故隨割首級并各賊眷解
省今已將到續又據遊擊陳上志稟報搜至圈羅
擒獲賊黨胡尚文及其兄弟妻子又招出蠻竜村
男婦大小八十三名口搜至整空擒獲刀三家人
據供刀三逃在六困地方現帶兵前往搜拏等語

其勦撫威遠以外賊人一路之兵臣據遊擊張超稟報行至蠻住殺死拒敵賊人數十名招出魏科等一十八寨各令安業又在窩羅寨蠻簡三臺坡殺傷賊衆直抵三圈投出蒲蠻猓黑二十四寨將賊首四喇鮓用弩打死割獲首級此一帶勦撫之事已竣業撤兵回威遠駐劄等語其援應攸樂一路之兵臣據遊擊王先報稱帶兵經過蠻罵河關舖關坪板角等五處俱有賊人拒敵我兵奮勇進攻沿途殺死賊人甚多於八月十九日將至攸樂對山有賊人千餘匿箐放弩官兵鎗礮齊發打死

逆賊數十名有攸樂官兵前來接應砍開木柵四道於未時到攸查攸樂柵城官兵俱各完全又據守備張接天稟報沿途四次與賊對敵傷賊甚多攻破木柵無數亦於八月二十一日已到攸樂其茶山各寨據王先稟稱窩泥苦葱蒲蠻俱已作逆惟擺夷尚在觀望其九龍江外車里土司之地卑職遣把總李燦將奉發告示及與宣慰刀紹文公文交該弁齎持前往旋據李燦帶領宣慰主文鄒文蔚打鑼土弁召者叭目先慙杭等到營稟稱把總等到九龍江將公文告示交兵丁王大成一面

投交宣慰土官隨有土千總刀細悶納卽來江口
迎接至宣慰刀紹文處有宣慰刀紹文稱伊身幼
弱所有伊下之土目或不法通同叛夷或推延不
聽調遣屢逼伊母子通同賊人伊母子不聽煽惑
抵死不從伊下之土目惟土千總刀細悶納盡心
竭力固守九龍江內抗諸目外拒賊人等語卑職
查係確情俱經分別獎賞又宣慰刀紹文懇求官
兵往江邊駐劄以爲聲援彈壓隨令守備張接天
帶領兵練前赴九龍江彈壓卑職在攸率領弁兵
一面將圍攻攸樂之逆賊嚴加攻剿一面曉諭檄

欽差大臣臣等謹將逆夷人再刀與國之兄刀定國已經守備李萬鵬拏禁合併聲明等情臣卽飛行王先飭令速行相機辦理叛逆者痛加懲創觀望者曉諭招撫其宣慰刀紹文深明大義土千總刀細悶納矢心忠勤盡力把江抗賊臣俱現發給重賞以示鼓勵其勦撫元普兩界中賊人一路之兵今各里夷寨勦撫已竣惟曾經附賊爲逆之火頭豐阿常等四人尚鑽箐藏匿不出現在躡捕其六里人民今俱已復業矣至新平楊昌禮等通同普思之賊叛逆臣已調鶴麗鎮總兵楊國華總統所調各處官

兵星飛攻剿今接據叅將周儀吳朝應報稱在鮓馬密殺死賊人數十名賊衆敗退至密白哨搜獲賊人男婦大小一十五名口在怕之勒投出被脇夷人男婦大小百餘人追至阿者山梁遇逆賊千餘恃險拒敵官兵奮勇攻破木柵三道連踏賊營二十餘座殺死賊首楊登科一名又據知府佟世廕稟報率同官兵在猓黑達拏獲賊人二名卽直抵新化擒獲賊首普占春之長子普之傑姪普之英及賊眷十九名口又分兵直趨象山有賊五百餘人在山拒敵官兵奮勇直上賊不能敵舍壘奔

逃生擒男婦大小四十七名口活拏賊人一名施
老三又據守備胡大勇等稟稱帶兵至黑龍坡有
逆賊數千與官兵對拒我兵奮勇當先短兵相接
斬賊首級四十餘顆鎗礮打死賊人三百餘名賊
人大敗我兵直抵寶秀又分兵三路進至紅岩賊
衆聚有三四千守備等率兵進攻追至山海子大
腦打傷裸賊數十名賊人滾箐逃遁隨於阿花寨
搜出賊黨男婦五十六名口又在磨些衝大松嶺
打死逆賊數十人有夷裸一百餘戶投出隨令各
歸安業又據叅將鄭文煥報稱帶領兵練至石屏

之巴窩地方遇賊千餘我兵分爲兩路夾攻殺敗
逆賊砍獲賊人首級十二顆活擒十三名又據遊
擊白天佐報稱帶兵至賴子塘地方有猓賊千餘
吶喊拒敵弁兵奮勇連戰三次殺死逆賊無數跟
追至界牌有駐防界牌千總劉瑞彩等帶兵夾攻
斬獲賊首三十餘顆又據守備謝章稟報令把總
楊起鳳等遊巡至蠻拱坡遇猓賊六七百人我兵
鎗礮齊發打死穿黃衣騎馬賊首一名砍獲首級
直追過嶺打死猓賊二十餘人又據遊擊段福報
稱領兵至洗魯遇賊擊敗又據遊擊王廷標稱帶

兵至祿鴉尾擊敗賊人數百殺死甚衆又於九月
二十日據鶴麗鎮總兵楊國華報稱賊人經官兵
勦敗今據新平土目普應祥等稟報已將賊首楊
二皮斬首又張保將賊首摸則革父子俱行斬首
又據遊擊郭佑民稟報已拏獲賊首金名芳又據
總兵董芳稟報賊首李世蕃帶後生前來元江軍
前投誠等語又據把總陳義文等稟報於南蘊村
勦敗賊人斬獲賊首李阿白首級并擒獲賊人隊
長普老二等一十三名又據知府佟世廕驗報帶
兵搜勦新寨之賊已獲賊首李本龍腊子龍標三

名及其妻子家口一百四十餘名口又守備楊旭
已獲賊四百巴等語臣查新平賊人已經各官兵
痛剿屢次大敗之後業俱散潰潛逃所有大賊首
已獲九人其楊昌禮等數名臣飛飭將備上緊搜
擒現今情形普思之賊首已獲普洱思茅攸樂三
城已全新平之賊又已散敗追搜擒捕不日可竣
臣俟新平之賊首普洱之賊黨所未獲之數人一
經搜獲卽將一切料理調劑俾永遠寧帖之處詳
細籌思條列具

奏請

旨敬謹辦理所有現在情節臣謹繕摺奏

聞謹

奏

據奏普思賊首已獲餘黨現在搜捕計日可以竣事等語但思夷獍犬羊成性反覆無常今茲勦撫務須窮源拔本勿使餘燼復燃凡夷人內知大義能不被賊煽惑者及隨軍效力者極宜厚加賞賚或題請恩錫以示鼓勵豈可憒惜小費辜其向化之心此番行間官兵奮勇效忠甚屬可嘉其中勇往向前拚命拒敵竝臨陣受傷及已故之各員弁士卒俱應從優賞卹又如罵賊被害

之試用章倫更應題敘旌獎昭示勸懲可將前後用兵
剿賊以及奏捷情節暨分別加恩錫賚之處繕疏具題
候朕降旨施行前數次奏摺槩未交部汝其知之

同日又

奏爲奏

聞事竊查黔省新闢苗疆內之九股地方前經

題定安營駐兵經撫臣張廣泗會商令按察使方顯

會同清江鎮臣趙文英料理續經臣與署撫臣元

展成提臣哈元生商定於本年七月十六日令帶

官兵二千餘員名起身前往臣已具摺

奏明今於九月十六日據總兵趙文英按察使方顯等報稱官兵已抵現建城之台拱地方於初到之時苗民伏道迎接似甚恭順詎於九月初六日夜有桃賴等寨兇苗約萬餘人圍營發喊放鎗經官兵擊退平明猶未解散職等分撥官兵三路齊出將近營首逆之楊翁寨攻破焚其寨柵斬殺無算我兵亦有帶傷惟是九股地險寨衆現在行營官兵不敷調遣已飛調鎮遠等營兵丁五百名再調撥兵丁二千名前來以資遣用等語同日又接署貴州撫臣元展成札稱於十一日據清江鎮報請

調兵因軍機緊急滇黔隔遠不及候檄已飛調本
標及提標等營兵丁二千名派撥弁員統領星速
前赴台拱等語臣當卽照署撫臣所撥兵丁員弁
飛飭各協營隨帶火藥鉛彈及一切行軍器具星
飛前往台拱又檄飭貴陽都勻二府飛調定番廣
順藥弩手土兵五百名爛土司麻哈宣威土兵五
百名前往台拱聽候遣用并飛檄趙文英方顯會
同揆度情形酌合機宜辦理勦定此外仍令各相
近之處預備官兵臣查苗人情性聚衆皆各自帶
米食用十日半月之後米糧食盡卽各散回本寨

不能久聚一處官兵乘其食盡散歸之時則攻剿更易爲力臣又飛飭趙文英當苗人初集氣銳之時稍緩擊以老之乘其糧盡剿之再鄰近台拱地方四面皆係新闢苗疆恐各處苗人聞風煽動最宜密察嚴防臣又飛飭各新疆文武十分用心密加防範不可一毫疎忽再者臣前因貴州提臣哈元生奉

旨進京署提臣霍昇尚未到黔臣已於九月初八日飛咨署撫臣元展成將提督印務暫爲署理今據報九股苗人抗拒不法臣又咨元展成提篆前已咨

送暫署卽可并行調度辦理又據霍昇驗報已於
九月初三日卸事起身約計九月二十五六日可
奏以到黔臣謹將情節繕摺奏

聞謹

奏

奏中旣稱苗人初集氣銳之時應緩擊以老之俟其糧
盡散歸攻剿甚易又稱隣近台拱地方四面皆係新闢
苗疆恐各處苗人聞風煽動最宜密察嚴防等語果如
所言各處苗人有聞風煽動情狀愈當速振兵威破其
姦謀諺云迅雷不及掩耳正此之謂寧容緩耶二語似

屬大相矛盾況從來兵貴神速遲則變生又添枝蔓且恐在事將弁借此任意遷延殊與行師之道甚不相協未知汝具何意見朕頗憂之但遠隔萬里彼地情形朕未獲身經目歷不過就事論事非必以爲然總在汝相機籌酌向允妥處辦理可也特諭

奏雍正十年十一月二十九日兩江總督署理雲貴廣西總督印務臣高其倬雲南巡撫臣張允隨謹奏爲仰懇

聖恩事竊查雲南學臣吳延熙到任試士以來辦事勤慎考試廉明而於教訓士子讀書爲文之外尤於

立心行事加意告勉諄諄不倦士子之爲非者又不袒護實於邊方有益且係接前任學臣于廣之差在滇辦理僅有年半臣等愚見冒昧仰懇

聖恩乞將吳延熙

賞令在滇訓士爲日少久似於士習有裨臣等謹會同繕摺奏

聞謹

奏

此奏未到之先已有旨矣不便再更

雍正十一年六月二十四日兩江總督臣高其倬

奏爲奏

聞事臣於雍正十一年五月二十六日到江寧接印任
事業經繕疏

題明現在江南上江各府及下江之江寧府鎮江府
雨水調均稻苗暢茂餘蘇州等府稻田現皆車水
灌溉稍望雨澤上年下江之松江蘇常等府所屬
常熟華亭等縣內有被災之處仰蒙我

皇上蠲賦給賑又截漕平糶更復

特諭加賑四十日并嚴飭地方官加意辦理被災之民

仰賴

皇仁皆得全活其流出在外者今已復歸安堵初夏麥
又有收甚資接濟惟上江之泗州壽州宿州泗州
衛潁上霍邱二縣下江之海州徐州山陽阜寧安
東清河沐陽贛榆豐縣沛縣宿遷桃源等縣地方
四五月間各據報有蝗蝻生發卽經署督臣魏廷
珍分頭檄飭各屬員設法上緊撲捕務令淨盡隨
據各屬報已撲盡各具結送查臣到任後又各據
報撲捕已淨臣恐設有不實卽致貽患隨又一面
嚴飭搜查捕打一面分遣各員分頭馳查以考慮

實倘有未淨亦卽令在彼督同撲打其不力不實之員卽令揭報嚴叅現據各處所報蝗蝻俱已撲滅惟沛縣地方五月二十七日據報尚有蝗虫而從前沛縣各員所報則稱蝗自山東魚臺縣而來而山東各員則又報蝗在沛縣撲打乏員等語前經臣魏廷珍逕行魚臺縣令協力淨捕而河東督撫亦咨明江南督撫俾嚴飭沛縣實力撲捕在案臣到任後隨又咨覆凡各省屬員陋習未經撲捕先爲推卸之地在江南者則推之山東而山東之員亦推之江南惟有各加嚴查嚴督所屬各員凡

就近生蝻不論何處盡力撲打毋分彼此方不致
貽患臣又於馳勘各員外再飛委蕭縣知縣溫長
發就近飛往協幫竝令懸賞購捕倘少不實俱卽
嚴叅臣看現在情形各處之蝗已息獨徐沛二處
未淨再淮安府屬雖報撲淨未可放心臣現在嚴
飭緊辦以期實在淨盡所有情形理合繕摺奏

聞謹

奏

前諭魏廷珍甚晰蝗蝻倘至爲災任汝百計支飾究不
能辭其咎也

雍正十一年九月十六日兩江總督臣高其倬謹
奏爲奏

聞事臣查今歲江南六月間稍旱前經具摺奏

聞續於七月間得雨但各處遲早不等是以同在一州

縣之中年成或收或歉不同卽在一圖一保之中

此上彼下不一其年成必詳查細看方得確實今

詳查得上江安慶太平廬州鳳陽等府和州潁州

亳州等州俱八分收成徽州寧國池州等府滁州

六安等州俱七分收成惟廣德州貴池旌德建平

合肥等五州縣前經報旱續經得雨俱獲五分有

餘收成其被旱者不及一分勘不成災又宿州泗州靈璧虹縣七月內黃河之水洩出田稍被淹宿州虹三州縣甚輕靈璧稍重查上江惟此處應稍調劑臣現籌動存公之項預計接濟與撫臣徐本商同料理其下江淮揚徐三府收成俱九分八分內揚州府屬江都泰興二縣之沙田因江水漲損圩圍稍有被淹徐州之沛縣亦稍被水俱分數至少其江寧蘇松常鎮太倉通州等府州俱有七分六分有餘收成內蘇屬之吳縣崑山新陽常熟常屬之武進荆溪鎮屬之丹徒丹陽金壇溧陽松屬

之華亭奉賢上海南匯青浦福泉太倉屬之鎮洋
嘉定寶山崇明俱報被旱及被風細查不及分數
俱有五分以上收成臣查此等下江各州縣雖內
有乏收之田被旱不及分數民間雖有報勘之呈
不應開其冀倖之習所有歲額應照舊徵收惟是
熟歉不勻各圖之中既有乏收之家又有上年被
潮今又稍旱之處現在秋成之際米價未減將來
青黃不接之時市價必昂應加意調籌預思接濟
臣自松回過蘇州與署撫臣孫國璽商酌所有除
前籌買運楚米之外其各州縣每處應買補足二

奏萬石之穀雖已經發銀飭買但以四錢五分一石
限定銀數又限令其買穀則州縣之中謹慎者不
敢增價通融蒼猾者更托稱價值不敷帶銀回貯
則來年平糶各處倉穀前經用空今又未補必致
無可糶濟臣等現已行令卽彼地穀價稍貴亦卽
增價購買臣等仍不時查察不令浮冒并令買運
之處米穀不拘將來卽以原價平糶旣可接濟民
間亦可不虧價本倘此內有平糶尚屬不敷之處
再行酌撥隨時運添其江西各府屬今歲收成俱
有八分七分不等內被水者共十一縣今勘查有

新淦峽江吉水永豐崇仁南昌豐城七縣成災業
經行酒謝穀其五西谷風飢今歲外其
題請緩徵併請照分數蠲免勘不成災者大庾清江
宜黃樂安等四縣臣現會酌批動存公銀兩酌宜
撫恤又有續報之新建等十六縣或山水衝刷或
江潮漲發俱有被水細查今或已收穫或已補種
俱不成災臣亦已令酌宜撫恤并預備平糶接濟
務使安定所有情節臣併奏臣不遑帶題回

聞謹

奏

覽奏知道了加意撫恤務俾災黎無至失所

同日又

奏爲奏

聞事臣查看松江海塘業經

題明臣於九月初二日抵上海縣地方將新築土塘
逐段親看於初五日看畢所有塘工修築俱各堅
固惟原估塘頂寬二丈二尺塘腳皆寬五丈已爲
寬濶但細看尚覺微陡應再酌培外面塘根令成
走馬坦坡則根基愈厚捍禦海潮愈爲有力應俟
每畝五文之錢徵收稍積再酌於歲修加培至所

有石塘臣亦逐段親查其已完工者甚屬堅固其
現做工者俱完及七分六分五分四分不等其未
做工者俱現釘樁木等候石料興工臣查詢工尚
未竣情由據臣俞兆岳臣張适移咨及面說通共
應築石塘四千六百三十四丈已築完石塘三千
九十四丈未築石塘共一千五百四十丈零此工
原臣查

題於雍正十一年內修竣因各辦石之員買運遲緩
俱不足原議之數現在停工待石今將遲延各員
咨參并咨請

題明展限又原定修築石塘用黃石六分青石四分
今黃石採取甚艱應請改用黃石四分青石六分
以速工程又原經
題定於石塘兩頭各添石塘一百丈今海潮形勢改
移石塘東頭之華家角沙長潮遠而石塘西頭之
金山墩漆家墩海潮逼近形勢頗險應將華家角
之石塘一百丈改建於金山墩漆家墩一帶再有
尚未建之石塘一百一十九丈今金山墩漆家墩
一帶潮勢旣險亦應移之添建於此一帶又金山
墩之運石小河與上浜之大河俱應速行挑挖則

石料運載無阻等因臣查海塘關係緊要竣工不能如期所有辦石遲誤各員臣另行

題參外至採取黃石臣經細查現在實屬不能多得

黃石

青石之分已屬不解而黃四青六之說更不可解

從何

批諭耶

在所有應建之石塘尚須黃青石共十萬餘丈臣

隨一面加委辦員發給銀兩另令開採青龍山戈家山之石以濟工用一面將原採之各山俱添派幹員或令協辦或令督催限期定數務令上緊趲行多辦遲者立即叅懲其運石小河及上浜河臣飭司動項委員著落趕挑俾運石無誤至華家角

之一百丈石塘及未做之一百一十九丈石塘移
建於金山墩漆家墩之處臣到彼細看潮勢之緩
急沙脚之遠近現在情形應行移建再應於華家
角添修土塘一段接連現在土塘更爲週密其石
塘外之外護土塘原築頗有稍低稍蟄之處臣
尹繼善令其加修續又經臣喬世臣令遍行加培
增高二尺今臣查看現在培築尚未完工已嚴飭
蘇松道王澄慧上緊催趲卽令完工不許再緩惟
是臣細看此土塘塘身稍爲直陡仍應於歲修厚
培走馬坦坡更爲堅固此內現在去水太近者十

餘處臣已指令目下卽行添培併說與俞兆岳張
适就近查督務令如式所有改移石塘工段請用
青六黃四石料及酌請展期之處臣亦另行具
題請

旨外臣謹先將各情節繕摺奏

聞謹

奏

覽

雍正十一年十一月初六日兩江總督管理蘇州
巡撫事務臣高其倬謹

奏爲詳察地方情形仰懇

聖恩事今年江南江寧蘇松常鎮五府通太二直隸州
所屬各縣收成稍薄淮揚徐三府中亦有一二屬
縣稍稍被水秋冬之際民間米價未減將來青黃
不接之時米價恐必昂貴應預行籌備平糶之米
穀以平市價以濟民食臣將情節業經繕摺奏
聞正在辦理間接准總漕臣魏廷珍字寄近據屬員報
稱今年天時稍旱民間所收米粒細小兼多青腰
白臍間雜田中祇有此種者有司亦難分別擇收
可否

奏請截留亦接濟平糶之一策等因札商前來臣查江南地方人口最衆食指極繁今春各處平糶動用過常平均貯兩項米穀及楚省運來之米共二十萬八千餘石尚屬不敷仰蒙皇上天恩截留漕米四十萬石除賑濟用米九萬一千餘石盡行添入平糶市價始得稍定民食賴以得充今查常平等項米穀雖現在遣員往楚買補但聞彼處米價亦未甚賤竊恐未能全數買回則將來平糶之需必須詳細預計有備無缺方足接濟況今年民間所收又有米粒細小及青腰白臍難

於擇收之處可否將應運漕米截留三十萬石以
濟平糶之用謹具摺請

旨伏候

聖裁再今年下江地方去年緩漕及歷年舊漕仰沐
皇仁悉准折徵業已淪肌浹髓茲據布政司會同糧道
詳稱蘇松等屬雍正十年緩漕共計三十餘萬石
上年潮水泛溢今又收成稍薄民間不無竭蹶輸
將且本年應徵地漕銀米竝雍正十年所緩地丁
及各年舊欠錢糧均應於今歲秋成後併徵於歲
內全完自十月至十二月計期三月一時民力恐

難兼顧今似應請將十年分緩漕於十一年冬徵
收一半其餘一半緩至甲寅年冬帶徵完納以舒
民力等語臣查所詳情形是實今一併繕摺請
旨倘蒙 聖恩俯准施行則民力民食均荷 聖
皇仁益更寬裕矣謹命 皇太后會同 皇太后
聖奏再令 皇太后 皇太后 皇太后 皇太后
江南今歲情形朕業經悉知已降有指示汝等酌辦之
旨汝當凜奉欽遵莫視功令同兒戲也

同日又

奏爲查明奏

聞事松江海塘臣查看之處前已具摺奏

聞其查叅辦石遲延及設法趲修之處臣已現具疏

題明茲據臣張适稟稱附貼石塘之土塘工程原定

每土一方給發工價銀共九分加夯礮緊貼石塘

堅築張适到工之後經確查各號土塘俱用浮土

堆積竝未夯礮每方止給工價銀五分有零俞兆

岳先築樣塘各工員俱照俞兆岳兩號樣塘辦理

其椿木亦有多餘價值現細加查察核實報明等

語臣正確查隨據太僕寺卿俞兆岳咨開石塘內

之貼附土塘本寺惟恐塘身單薄不足以資捍禦
塘面二丈加寬至四丈塘脚四丈加寬至六丈四
尺加增土方之費咨請在歲修捐錢項下開銷本
寺東西樣塘共二百九十餘丈應加增土方銀約
五百餘兩本寺已經捐資補足無庸再給又咨稱
椿木盈餘銀二百九十餘兩等因臣查俞兆岳身
任總理自應潔已無私實心督率乃土塘未加夯
砌竟有浮多之銀今稱加寬之應領銀五百餘兩
捐資補足無庸再給此項銀兩及採辦椿木盈餘
銀二百九十餘兩不行早爲報明聞查始報甚屬

可鄙臣謹據實奏

聞至在工承辦各貼塘之員其土方餘出工價之處臣
查詢俱稱所有土塘未加夯砌多餘土方之銀現
俱尚存司庫未敢支領竝未侵冒臣現飭附貼土
塘工程緊要難任浮鬆卽令以多餘未領之銀仍
照原議飭令張迺督令各該員另行拆開照例夯
砌堅固如重加拆修此銀不敷各員雖未侵冒亦
未先報出應俱罰令各該員賠出添補修築再查
承築人員內有張德盛已經身故沈慶元緣事叅
此等人員豈可任其逍遙事外
革趙崑珵咨部另補俱已離工此三員工程雖亦

照俞兆岳所做樣塘承修但未經奏銷俞兆岳卽
聽其離工應著落俞兆岳名下代爲拆改重築臣
查俞兆岳從前督修石塘甚爲悉心勤力近年老
精神少衰海塘工程緊要現已竣工遲誤此係江
省要工臣不委之俞兆岳謹自一一籌酌督率同
張适上緊辦理期務早竣工堅費實至土護塘及
此外有無浮冒之處亦令張适實力嚴查臣亦加
意查察如有侵蝕情弊卽行指明

聞謹

題叅所有查明及辦理情節臣謹先行奏

奏

俞兆岳年力衰邁督辦遲誤各情形朕未身經目歷無從而知在汝秉公據實酌宜措施耳如應叅劾具疏指叅至於張适乃向日所悉險邪小人若深相倚信專委辦理倘異日被伊連累毋謂朕言之不早也

同日又

奏爲奏

聞事臣查江南修船一節久成錮弊臣前在江南議定題請就近分廠當修造之際卽爲查催驗看其揚廠移至江寧聽總督查驗淮廠聽總漕查驗蘇廠聽

巡撫查驗鎮廠聽將軍查驗松廠聽提督查驗冀
除積弊臣尹繼善亦以江南船工往例於部價之
間事外給有銀五協貼每部價一百兩協貼一百五十
兩內河沙唬等船在大修小修協銀儘敷而拆造僅
之船頗有盈餘至外海繪船等船各員稱拆造僅
可敷用大修小修協銀尚有不足等情飭行據實
奏至修造節省并准將在廠辦理經役之食用以及管
船捕舵之房飯錢均於節省項下據實動支開報
俟核定盈縮確數量與裒益因各委員所報節省
間表參差不齊未經核

題是皆因船工積弊力思整頓然文武各員弁及兵
胥行匠久成一片膠結已深究未徹底清釐臣今
再四思維現將各項船隻按趕繒沙唬吧唬之各
樣及拆造大修小修之各項俱各調一樣船至蘇
廠親查親看遴委可信廉潔勤慎之文武員弁照
實辦料照實計工一一成造各船一竣則工價俱
有成規可循然後照此定議工價一例遵行以定
畫一成規嗣後上司無庸批減修員亦無可詳增
既有一定之數無可浮開再嚴稽查之法不許尅
減一有違誤嚴叅賠懲庶船工可期實在料理亦

有定程矣臣謹將情節繕摺奏

聞謹

奏

調船至廠看造亦不過小試行道之端耳焉能徹底清
釐夫木料價值歲有低昂工亦時有貴賤俱難預定且
汝現今酌議之數未必即可永遠遵行而乃云嗣後上
司無庸批減此一語自爲日後省心省力張本則善矣
若謂爲國家清釐積弊則朕不知也總之凡事惟有實
力辦公四字方免罪責此外別無良策

雍正十二年三月初六日總督管理蘇州巡撫事

務臣高其倬謹

奏爲恭謝

皇上嚴切

訓飭之

深恩實陳微臣痛自省改之下悃仰祈

睿鑒事竊臣節次

奏摺內欽奉

硃批詳

訓嚴飭多方

指示字字警誡在在提撕仍施

教誨之

恩俾以自新之路臣跪讀之下感激涕零臣之愚昧錯謬自容無地自愧難安惟有切切敬記

聖訓刻勵自心期念念誠實事事公忠不但斷斷不忍竟昧天良少存絲毫歸過之念巧飾之心卽從此有一毫自全自便之念畏勞畏怨之心亦卽屬上孤

聖訓下昧本心何能逃

日月之照

國法之誅此是臣犬馬實情謹繕摺仰謝

訓誨深恩自陳改勉下悃伏祈

睿鑒謹

奏

覽之厭矣

雍正十二年五月二十二日蘇州巡撫臣高其倬

謹

奏爲奏

聞事臣查江南上年淮徐一帶及江寧通州等處蝻子
生發經悉力撲滅但恐蘆洲及草灘僻處遺子或
時發生臣於今年三月卽預飭各道府州縣時時

細查一有萌動卽悉力上緊撲打務令打淨不許
疎漏茲臣陸續據江寧揚州淮安徐州等府所屬
之各州縣俱報稱蘆洲草灘蝻子生發有蓆片大
數處者有一畝半畝一二塊者惟泰州分司所屬
之梁垛場東臺場草地內間有寬數畝者然皆逼
近海邊向不種植禾稼之處俱稱極力撲打臣隨
分差各員分路查督現俱稟報業已撲打刨坑趕
埋火燒鴨食悉已撲淨無遺具結前來臣又令布
政使白鍾山分派試用各員卽令分往各府州令
其專司查勘督催總之蝗蝻爲禾稼巨害臣務必

悉心極力料理防撲斷不使爲害近又連得大雨
俱皆普遍不但於禾稼有益卽蝻子亦不萌發所
有情節臣謹繕摺奏合旨查各處各屬大司

聞謹

奏

蝗蝻撲滅之說難可準信倘於此等處再涉欺誑不實
則高其倬禍不旋踵矣悉心竭力料理與否任汝自爲
之

雍正十二年六月二十六日蘇州巡撫臣高其倬

謹

奏爲奏

聞事江蘇各屬地方自春入夏晴雨調勻二麥有收稻
已插蒔情形臣已繕摺

奏明六月初間栽插全竣正資雨澤灌溉自初一日
卽沛大雨頗爲應時但自初一至初六日晝夜大
奏雨自初九至十一日又復連綿雨水過多臣一面
飛行遣員分頭查看各屬亦各報有雨水過大淹
浸禾苗之處臣復飭令詳看確查今查得各處高
田禾苗甚好其中田禾苗亦好將來俱可望豐收
惟最低被水浸過禾頂之田已經連日晴霽有卽

露出禾頭者亦屬無妨只有現尚未露頭之田禾勢必有損然天時尚可補插及補種各種雜糧亦可望有收臣現分頭委飭令各委員與地方官督率勸導令各民或培圩堰或行疏洩竭力車戽又飭或酌借倉穀以資食力或令業主量行借助俾佃戶力作以期補種臣就大槩而看如句容常熟昭文新陽陽湖江陰無錫金壇泰州崇明通州境內一二最低之區圖似水退之勢稍遲稍難其餘上元江寧宜興靖江等縣雖經報水俱屬無礙現在嚴飭令其盡力戽水補種臣惟有悉心調劑將在

來如果有積水難消不及補種者另當查確奏

聞請

旨遵行至於江寧省城內外以及各屬間有被水衝倒
房屋已查明實在無力修整窮民量爲資助城垣
營房墩臺閘座偶有淋損之處勘明修理礮岸沙
土坍入河內有關運道者分別修濬統俟次第料
理另行奏

聞外所有委員查勘雨水情形并辦理緣由理合繕摺

奏報謹

奏

高其倬巡撫江蘇安望免旱澇之虞覽所奏雨水各情
形原非意外事殊無足訝其中雖經淹浸而不至成災
者乃督臣忠勤感召之所致耳誠僞之徵昭如影響明
者觀之莫不毛骨悚然第未審下愚輩作如何體會也

開請

來如果有積水難消不及補種者另當查議
旨遵行至於江寧省城內外以及各屬所有被水衝倒
房屋已查明實在無力修整窮民量為資助城垣
營房壞臺閣座偶有剝損之處勘明修理撥片沙
土填入河內有關運道者分別修濬統候次第將
各縣災異不手骨刺熬藥未審不愚輩并收回豐會出
休休替利悲憫孤寡孤姪其精勤之婦卑賤之婦
所與非意收事終無只結其中艱難數而不至災災
高其幹以無玉蘊安望良早德之其望表而水谷計



